



文苑英華卷第二百二十九

詩七十九

道門五

送贈道人五十九首

送宮人入道五道

送贈道人

靈都觀李道士

張籍

仙集作山觀雨未靜繞房瓊草春素書天上字花洞古時人

泥竈煮靈液掃壇朝玉真幾廻遊閬苑青節亦隨身

贈山中女道士

前人

女仙唯獨住

集作幾年山裏住

已作綠毛身護氣常虛

集作稀

語齋

心

集作存思

自見神養竈同不食留藥任生塵要問西王母仙

中第幾人

送陰集作徐先生歸蜀

前人

日暮遠歸處雲間仙觀鍾唯持青玉牒獨上碧鶴峰陰洞

新生集作長收乳寒泉舊養龍幾時因賣藥得向海邊逢

道一作隱者見二百三十二卷

前人

贈道士宜師

前人

自到皇城得幾年巴僮蜀馬共隨緣兩朝侍從當時貴五

字聲名遠處傳舊住江集作紅樓通內院新承墨詔賜齋錢

閑坊暫喜居相近還得倍師坐竹邊

送胡鍊師王屋山

前人

玉陽峰下學長生洞府仙中已有名獨戴熊鬚冠暫出唯

將鶴尾扇同行鍊成雲母休炊爨召得雷公當吏兵却到

壇上頭宿應聞空裏步虛聲

中元日看諸道士步虛

殷堯藩

玄都開秘籙白石禮先生上界秋光淨中元夜景清星辰

朝帝處鸞鶴步虛聲玉樹花難老珠宮月最明掃壇天地

肅投簡鬼神驚儻賜刀圭藥還留不死名

贈溫集作王尊師

姚合

先生自說瀛州路多在青松白石間海岸夜中常見月仙

宮深處却無山犬隨鶴去遊諸洞龍作人來問大還今日

偶聞塵外事朝簪未擲復何顏

贈王道士

于武陵

日日市朝路何時無苦辛不隨丹竈客終作白頭人浮世

度千載桃源方一春歸來華表上應咲北邙塵

天柱山贈峨嵋田道士

施肩吾

古稱天柱連九天峨嵋道士棲其巔近聞教得玄鶴舞試  
憑驅出青芝田

贈道者

一作士

朱慶餘

自識來清瘦尋常語論真藥成休仗火符驗不傳人獨有  
年過鶴長無病到身潛教問弟子居處與誰隣

山中道士

賈島

頭髮梳千下休糧帶瘦容養雛成大集作大鶴種子作高松  
白石通霄煮寒泉盡日春不曾離隱處那得世人逢

送道者

前人

獨向山中見今朝又別離一心無挂住萬里獨何之到處  
絕烟火逢人話古時此行無弟子白犬自相隨

送胡道士

前人

短褐身披滿幘集作清野苔靈溪深處觀門開却從城裏携琴  
去許到山中寄藥來麗雪集作臨水古壇秋醮後集作罷啄查寒

鳥暮飛迴

集作宿杉幽鳥夜飛迴

未遊彼地空勞想師往如雲不可

陪

集作丹梯頭逐真人上日夕歸心白髮催

贈王尊師

劉德仁

為道常日損尊師脩此心掛肩黃布被穿髮白蒿簪符札  
靈砂字絃彈古素琴囊中常有藥點土亦成金

山中尋道人不得

前人

年過羽冠風塵裏常擬隨師學鍊形石路特來尋道者雲  
房空見有仙經碁於松底留殘局鶴向潭邊退數翎便欲  
此居閑到老先生何日下青真

送張尊師歸洞庭

許渾

能琴道士洞庭西風滿歸帆路不迷對岸水花霜後淺傍  
簷山果雨來低杉松近晚移丹竈巖谷初寒蓋藥畦他日  
相思一行字誰人知處武陵溪

寄崔先生

溫庭筠

昔年江海別元卿家近山陽古郡城蓮浦一作沼香中離席  
散柳堤風裏釣舡橫星霜荏苒無音信烟水微茫變姓名  
菰黍正肥魚正美一作五侯門下負平生

敬答李先生

前人

七里灘聲舜廟前杏花初盛草芊芊綠昏晴氣春風岸紅  
漾輕輪野水天不爲傷離成極望更因行樂惜流年一瓢  
無事麤裘暖手弄溪波坐釣舡

雪中寄殷道士

方干

大片紛紛小片輕雨和風激集作繫更縱橫園林入夜寒光  
動窓戶凌晨濕氣生蔽野吞村飄未歇摧巢壓竹密無聲  
山陰高集道士多吟興六出花邊五字成

因話天台勝異仍送羅道士

前人

積翠千層一逕開盤紆集作遙盤山腹到瓊臺藕花飄落前巖  
去桂子流從別洞來石上叢林礙星斗窓邊瀑布走風雷

縱云孤鶴無留滯亦集作宅恐烟蘿不放廻

贈天台葉尊師

前人

莫一作難見平明離少室須知集作猶須薄暮入天台常時愛縮

山川去有夜自一作曾携星月來靈藥不知何代得古松應

是少年栽先生暗笑看一作觀碁者半局碁邊白髮催

此詩二百六十二卷重出今已削去注異同為一作

送道人歸舊巖

前人

舊巖終副却歸期巖下有人應識師目覩嬰孩成老叟手

栽松栢有枯枝前山低校無多地東海淺於初去時若把

古今相比類姓丁仙鶴亦如斯

賦得送軒轅先生歸羅浮山

李洞

仙山歸隱浪搖青綠髮雙童一帙經符帖布帆猿鳥看鶴

煎金鼎鬼神聽洞深頭上覺舡過樓靜鼻中聞海腥此處

先生應不住吾君南望謾勞形

贈玉芝觀王尊師

雍陶

處處烟霞尋搃遍却來城市喜逢師時流見說無人在年

幾唯應有鶴知大藥已成寧畏晚小松初種不嫌遲長憂

一日歸天去未授靈方遣問誰

玄都觀李尊師

喻鳧

蘚憤翠鬣公一作微翁存思古觀空曉壇檉葉露晴圃柳花一作

杏花集風壽已將椿竝碁難見局終何當與高鶴飛去海

光中

送羽人王錫歸羅浮

曹唐

風前整頓紫荷集作霞 巾常集作歸 向羅浮保集作報 養神石磴

倚天行帶月鐵橋通海入無塵一作津 龍蛇出洞閑邀雨犀

象眠花不避人最愛葛洪尋藥處露苗烟藥一作雨 蒲山春

送劉尊師祇詔關庭三首

前人

海風葉葉駕霓旌天路悠悠接上清錦誥淒涼遺去恨玉

簫哀絕醉離情五湖夜月幡幢濕雙闕清風劍珮輕從此

集作莫道 暫辭華表柱更集作已 應千載是歸程

二

五峯已集作此 別隔人間雙闕何年許再還既掃集作拂 山川

收地脉須留日月駐天顏霞觴共飲身雖在風馭今集作難

階跡集作路 未閑從此枕中唯集作雖 有夢夢竟何處訪三山

三

仙老閑眠碧草堂帝書徵入白雲鄉龜臺欲署長生籍鸞

殿邀論不死方莖露想傾延命酒素烟思蕤降真香五千

言外無文字更有何詞贈武皇

贈華陽宋真人兼寄清都劉先生 李商隱

淪謫千年別帝宸至今猶識集作謝 藥珠人但驚茅許多玄

分集作洞仙籍 不記盧劉是世親玉檢賜書迷鳳籙集作篆 金華

歸駕冷龍鱗不因杖屨逢周史徐甲何曾有此身

送費鍊師供奉赴上都

姚鵠

縮地周遊不計程古今應只有先生已同化鶴臨華表又

見驟龍向玉清  
蘿磴靜攀雲  
共過雪壇當  
醮月孤明無因  
相逐朝天帝  
空羨烟霞得  
送迎

贈道士

項斯

見來知養氣  
度日語時稀  
到處唯開井  
經寒不絮衣  
病鄉多藥惠  
鬼谷有符威  
自說身輕健  
今來數夢飛

華頂道士

前人

仙人掌中住  
坐有上天期  
已廢燒丹處  
猶多種杏時  
養龍於淺水  
寄鶴在高枝  
得道復無事  
相逢盡日碁

秦中逢王先生

趙嘏

萬萬東流不一  
廻先生獨此  
負仙才藥宮  
橫浪海邊別  
鶴翅駐雲天  
上來幾處吹  
簫木杯羽衛  
誰家殘日下  
樓臺青春

正分瓊液乞取當時白玉杯

贈王先生

前人

太一真人隱翠霞  
早年曾降蔡經家  
羽衣使者峭於鶴  
鳥爪侍娘飄若花  
九鼎欄干歸馬齒  
三山窈窕步雲涯  
時因弟子偷靈藥  
散落人間駐一作潤  
一作物華

贈道者

前人

華蓋飄飄綠鬢翁  
往來朝謁藥珠宮  
幾年山下陰陽鼎  
盡日澗邊桃李風  
野跡似雲無處著  
仙容如水與誰同  
應憐有客外妻子  
思在長生一顧中一作諾中

王先生不別而去

前人

仙翁歸袖拂烟霓  
一卷素書還獨携  
斷藥蒲囊身不病  
抱



琴何處鶴同棲  
露衣盡日看  
山坐搔首殘春向  
路迷樹樹  
白雲幽徑絕  
短舫空倚武陵溪

送趙道士歸天目舊山

薛能

愚朴尚公平  
此心憐道情有祿  
終自鄙何計逐師行  
日者聞高躅  
時人蓋強名  
口無滋味入身欲  
羽儀生表乞還鄉

速

集作遠

詩曾對御成土毛微

一作珍

到越塵髮捲離京符呪

風雷惡朝脩月露清  
觀臨天日頂

集作秀

家住海濤聲導引

圖看足糸同註解  
精休糧一擬問忽

集作葱

草俟廻程

別道者

劉駕

自君入城市  
北邙無新墳  
始信口壺中藥不落  
白楊根如何  
忽告歸薜華  
還笑人玉笙無遺音  
恨望緱嶺雲

贈王道士

周賀

藥力資蒼髮  
應非舊日身  
一爲嵩岳客  
幾塋洛陽人  
石縫飄探水  
雲根斧斷新  
關西來往路  
誰得水銀銀

送梁道士

周朴

舊居桐栢觀  
歸去愛安閑  
倒樹造新屋  
化人脩古壇  
晚花霜後落  
山雨夜深寒  
應有同溪客  
相尋學鍊丹

謫仙吟贈趙道士

李群生

汗漫東遊黃鶴雛  
縉雲仙子住清都  
三元麟鳳推高座  
六甲風雷閔小壺  
日月暗資靈壽藥  
山河直擬一作常值化生符

若爲失意居蓬島  
鼇足塵飛桑樹枯

送秦鍊師

陳陶

紫府靜沉沉松軒思別吟集作到琴水流寧有意雲泛本無心  
錦洞桃花遠青山竹葉深不因時賣藥何路更相尋

溪行寄道侶

張祐見集本

白日長多事清溪偶獨尋雲歸秋水濶月出夜山深坐想  
天涯去行悲澤畔吟東郊古人在應笑未抽簪

訪嵩陽道士不遇

聶夷中

先生五岳遊文焰滅金鼎日月一作下鶴過時人間空落影  
常言一粒藥不隨死生境何當列禦寇去問仙人請

送何道士歸山

張喬

身非絕粒本清羸東掛仙經杖一枝落葉自隨一作遠路獨尋流  
水去深山長與白雲期樹臨川竈寒花疾壇近清風夜月

過樵客若能隨一作隨

過洞裏迴歸人世

始應悲

寄中岳顓頊先生

先生顓頊後得道言何人松栢甲於壽兒孫老却身夜窻  
峯頂曙寒澗洞中春戀此道遙景云間不可親

贈崔道士

杜荀鶴

四海干戈無靜處人家廢業望峰州九華道士渾如夢猶  
向罇前笑揭天

送鄒尊師歸洞庭

楊逵

衆鳥在波心曾居一作為舊隱林近聞飛檄急轉憶卧雲深  
賣藥唯供酒歸舟只載琴遙知明月夜坐石自開襟

遇道者

張蠟

數里白雲裏身輕無履蹤故尋多不見偶到即相逢古井  
生雲水高集作幽壇出異松聊看杏花酌便似換顏容

贈道者

前人

得道疑人識都城獨閉關頭從白後黑心向鬧中閑饑渴  
唯調氣兒孫亦駐顏始知仙者隱殊不在深山

送芮尊師

王真白

石上菖蒲節節靈先生服食得長生早年避世憂身老近  
日登山覺步輕黃鶴待傳蓬島信丹書應換藥宮名他年  
控鯉昇天去廬岳逋民願從行

寄程尊師

羅隱

鷓鴣信雖然至集作到五湖烟波迢迢路崎嶇玉書分薄花生

金鼎功遲雪滿鬚三秀紫芝勞夢寐一番紅槿恨朝曠  
未知朽敗凡間骨中授先生指教無

第五將軍於餘杭天柱觀

集作宮

入道因有題寄

交黎火棗味何如聞說苕川已卜居集作下車瓦榼尚携京口

酒草堂應寫穎陽書亦知得意須乘鶴未必忘機便釣魚  
即集作却恐武皇還望祝軟輪徵入問玄虛

寄聶尊師

前人

欲芟荆棘種交梨指畫城中日恐遲安得紫青磨鏡石與  
君閑處看榮衰

逢道者神和子

士穀

珍重神和子聞名五十年童顏終不改綠髮尚依然酒裏

消閑日人間作散仙長生如可慕相逐隱林泉

贈道人

曹松

住山因以福為庭便向山中隱姓名閨苑駕將雕羽去洞天瀛得綠毛生日邊腸胃殮霞火月裏饑膚飲露英顧我從來斷浮濁擬驅雞犬上三清

訪道士

裴說

高岡微雨後未一作木脫草堂新惟有疎慵者來看淡薄人竹牙生碍路松子落敲中粗得玄甲趣當期宿話頻

送宮人入道

王建

休梳叢鬢洗紅粧頭帶芙蓉出未央弟子抄留集作將歌編疊宮人分盡集作散舞衣裳問師初侍經中字入靜獨燒內

香發願蓬萊見王母却歸闕下集作人世一作城闕施仙方

同前

張籍

舊寵昭陽裏求集作尋仙此最稀名雖集作初出宮籍身未稱霞衣已別歌舞貴長隨鸞鶴飛中官看入洞空駕玉輪歸

同前

于鵠

才五吹簫入漢宮看脩水殿種芙蓉自傷白髮辭金屋許著黃衣向雪峰解語老猿開曉戶學飛鸚鵡落高松定知別後宮中伴遙聽緱山半夜鍾

同前

張蕭逢

捨寵求仙畏色衰辭天素面立階墀金丹擬駐千年貌玉指休勻八字眉師主與收珠翠後君王看戴角冠時從來

宮女皆相妬聞向瑤臺盡淚垂

同前

項斯

願隨仙女董雙成王母前以頭結

百家詩選作伴

行初戴玉冠多

候拜欲辭金殿別稱名將敲碧發新齋磬却進昭陽舊賜

箏日暮焚香遶壇上步步此猶作按歌聲

文苑英華卷第二百二十九

文苑英華卷第二百三十

詩八十

隱逸一

徵君二十一首

五 征士十首

處士三十一首

徵君

荅何徵君

任昉

散誕羈勒外拘束名教裏得性

千年同山林亦

一作無

朝市

勿以耕蠶貴空笑易農士宿昔

仰高山超然絕塵軌傾壺

已等藥命管亦齊喜為歎君獨

遊若路

一作終

方同止

一作皆藝文類聚

贈徐徵君

前人

促生悲永路早交傷晚別自此隔容微於焉積歲月情非  
山河阻意似江湖悅東臯有佳飾素杳與榮名絕曾是違賞  
心肩用箴余缺眇焉追平生塵書廢不閱信此伊能已懷  
抱豈暫輟何以表相思貞松擅嚴一作節

贈李徵君大壽

王績

孔淳辭散騎陸昶謝中郎幅巾朝帝罷策杖去官忙附車  
還趙郡乘船向武昌九徵書未已十辟譽彌彰副君迎綺  
季天子送嚴光霸陵幽徑近磻溪隱路長編蓬還作室績  
草更爲裳會稽置樵處蘭陵賣藥行看書惟道德開教止  
農桑別有懷幽侶由來高讓工前年辭厚幣今歲返寒鄉  
有書橫石架無氈坐土牀蘭英猶足釀竹實本無糧澗松  
變轉直山菊秋自香管寧存祭禮王霸重朝章去去相隨  
去披裘驕盛唐

答田徵君

宋之問

家臨清溪水溪水遶盤石綠蘿四回垂裊裊百餘尺風泉  
度絲管苔蘚舖茵蓆傳聞潁陽人霞外漱靈液忽在巖中  
翰吟臥朝復夕何處文粹遂遠遊物色候逋客

徵君宅今祗洹寺是

許景光

徵君昔嘉遁抗跡遺俗塵了心悟有物乘化遊一作無垠  
道喪歷千載復存潁陽真上震佳山水晚歲耽隱淪內史  
旣解綬支公亦相親儒道匪遠理意勝聊自欣洹汾南溪  
夕流浪東山春石壁踐丹景全潭冒綠蘋探鍊備海嶠賞

心寓情人奈何靈仙骨鍛一作

翾瑤池津寥寥虛白字夙

剏招提因家風緬多尚玄德謝

無隣謬陪金門彥矯跡侍

紫宸皇恩竟已矣遺烈庶不泯

行至汝墳寄盧徵君

孟浩然

行乏憇余駕依然見汝墳洛川

万罷雪嵩障有殘雲曳曳

半空裏明明五色分聊題一時

興因寄盧徵君

贈楊集作徵君鴻此公

李白

陶令辭彭澤梁鴻入會稽我尋

同士傳君與古人齊雲卧

番丹壑天書降紫泥不知楊伯

心早晚向關西

寄趙徵君蕤

前人

吳會一浮雲飄如遠行客功業

大從就歲光屢奔迫良圖

微棄捐衰疾乃綿劇古琴藏唐匣長劍挂空壁楚懷奏鍾

儀越吟比莊鳥國門遙天外鄉路法法山隔朝憶相如臺夜

望子雲宅旅情初結緝秋氣風寂風入松下清露出草

間白故人不在此而我誰與適寄書西飛鴻贈爾慰離析

尋廬山崔徵君

丘為

日高鷄犬靜門掩向寒塘夜竹深茆宇秋庭冷石牀住山

年已遠服藥壽偏長虛棄浮生者相逢益自傷

家叔徵君東溪草堂作二首

盧象

關山十餘里青壁森相倚欲識堯時人

東溪白足一作

是雷聲轉幽壑雲氣相表裏

澗影生蟲蛇巖端

翳裡一作梓大道終不易君恩曷能已鶴蓋一作無老時

文苑英華

龜言攝生理浮年笑六甲元化潛一指未暇掃雲梯空慙  
阮家一作子

今朝共遊者得性閑未歸已到仙人家莫驚鷗鳥飛水深

嚴公釣松挂巢父衣雲氣轉幽寂溪流無是非名理未足

羨腥臊誰文粹作詎所希自惟負直意何歲一作當食薇

自鄱陽還中道寄褚徵君

劉長卿

南風日夜起萬里孤帆漾元氣連洞庭夕陽洛波上故人  
烟水隔復此遙相望江信久寂寥楚雲獨惆悵愛君清川  
口弄月時棹唱白首無子孫一生自踈曠

同王徵君洞中有懷

張謂

八月洞庭秋瀟湘水北流還家童四里夢為客五更愁不用  
開書篋集作帙偏宜上酒樓故人京洛滿何日復同遊

送孔徵君

皇甫曾

谷口幽山集作山多處君歸不可尋家貧清史在身老白雲深  
掃雪開松逕疏泉過竹林余集作餘生負丘壑相送亦何心

陪王郎中尋孔徵君

韋應物

俗吏閑居少同人會面難偶隨香署客來訪竹林賢暮館  
花微落春城雨暫寒甕間聊共酌莫使官情闌

酬秦徵君徐少府春日見寄

集作奉酬秦徵君系春日撫州西亭野望

兼寄徐少府

終日愧無政與君聊散襟城根山半腹亭影水中心朗詠



竹窻靜野情花逕深那能有餘興不作剡溪尋

此詩三百十五卷重出今已削去

送戴三徵君還谷口舊居 釋理堂

巖穴多遺秀弓車屢遠招周王尊渭叟穎客傲唐堯出處  
天波洽關河地勢遙瞻星吳郡夜作霧華山朝清論虛重  
席閑居挂一瓢漁歌思坐酌宸渥寵行輶春為荷裳暖霜  
因葛屨消層崖懸瀑潘萬壑振清颺谷鳥猶一作還遷木場  
駒正一作會食苗謝安何日起台昇行君調

送駱徵君 陳潤

野人膺辟命溪上掩柴扉黃卷猶懸心去青山肯更歸馬晉  
苔蘚跡人脫薜蘿衣他日相思處天八邊望少微

經李徵君故居 溫庭筠

霧濃烟重草淒淒樹映欄干柳拂堤一院落花無客醉五  
更殘月有鶯啼芳筵想像情難盡故榭荒涼路已迷風景  
宛然人自改集作惆悵蕭却集作經門巷馬集作頻嘶

贈鄭徵君 前人

一拋蘭棹逐燕鴻曾向江湖識謝公每到朱門還悵望故  
山多在畫屏中

九華山費徵君所居 羅隱

草堂何處試徘徊見說遺蹤向此開蟾桂自歸三徑後鶴  
書曾向九天來白雲事跡雖然集作在青瑣光陰竟不廻  
盡日集作為君思曩昔集作曩日野泉鳴咽路莓苔

居士

早春贈別趙居士還江左時長卿下第歸嵩陽舊

居

劉長卿

見君風塵裏意出風塵外自有蒼州期含情十餘載深居

鳳城曲一作北日預龍華會果有集作得僧家緣能遺俗人態

一身今已適萬物知何愛悟法一作尋電已空看心水無礙一作尋

且將窮妙理兼欲一作亦尋勝槩何獨謝客遊當為遠公輩

放舟馳楚郭負杖辭秦塞目送南飛雲令人想吳會遙思

舊遊處髣髴疑相對夜火金陵城春烟石頭瀨滄波極天

木萬里明如帶一片孤客帆飄然向殘一作青靄楚天含江

氣雲色常霏霽隱見湖中山相連數州內君行意可得全

將人背歸路隨楓林還鄉念尊萊顧予尚羈束何幸承

時睽素願徒自勤清機本難逮累年忝賓薦末路逢沙汰

濩落名不成徘徊意空大逢時雖一作難貴達守道甘易退

逆旅鄉夢頻春風客心碎別君日已遠離念無明晦予亦

還柴荆山田事耕耒

送薛居士和州讀書

嚴維

孤雲獨鶴共悠悠萬卷經書一葉舟楚地巢城民舍少村

烟杜樹怨湖秋蒿萊織女晨炊不籬落耕童夕放牛年少

不應辭苦節諸生若遇亦封侯

自青山詣於潛道中作王元八居王釋靈一

蒼水灘行淺潛州路漸深參差遠岫一作村色迢遞野人心

東澗水難釋秋山月易陰不知天目下何處訪雲林

此詩二百九十三卷重出今已削去注異同為一作

欲尋天目先問元駱二居士已上一百六十六卷前人

送沈居士還太原 釋皎然

辭鄉因世難家族盛南朝名重郊居賦沈休文作郊居賦才高獨

酌諶沈文子作浪花飄一葉峯色向三條高逸雖成性弓旌肯

妄招

秋宵郎事示崔居士 前人

禪性愛方丈寂寥無四鄰秋天月色正清夜道心真大憂

觀遺跡浮名悞此身不知庭樹意榮落感何人

滑中贈崔高士 王季友

夫子保樂命外身得無咎日月不能老化腸為一作無筋否

十年前見君甲子過我壽云何今相逢華髮在我後近而

知其遠少見今白首遙信蓬萊宮不死世世有玄石采盈

檐神方秘其肘問家唯指雲意氣常言酒攝生固如此履

道當不朽未能太虛同願亦天地久實腸以芝朮賤形乃

芻狗自勉將勉余良藥在苦口

此詩三百四十卷重出今已削去

留題杜居士 許渾

松偃石牀平何人識姓名溪水寒棹響崑雪夜窻明機盡

心猿伏神閑意馬行應知此未客身世兩無情

贈滑口苗居士 鄭谷

歲晏樂園林維摩契道心江雲寒不散庭雪夜方深酒勸  
漁人飲詩憐稚子吟四郊多壘日勉我捨朝簪

敷溪高士

前人

敷溪南岸掩柴荆掛却朝衣受淨名閑得林園栽樹法喜  
聞兒姪讀書聲眠窻日暖添幽夢步野風清散酒醒謫去  
徵還何擾擾片雲相伴看衰榮

敷溪高士

贈周處士

庾信 見類聚

九丹開石室三徑沒荒林仙人翻可見隱士更難尋籬下  
黃花菊丘中白雪琴方欣松葉酒自和遊仙吟

尋周處士弘讓

前人 見類聚

對遂赤松遊披林對一丘梨紅大谷晚桂白小山秋石鏡  
菱花發桐門琴曲愁集作曲道泉飛疑度雨雲積似重樓王孫  
若不去山中定可留

贈周處士

王褒

我行無歲月征馬屢盤桓嶠曲三危阻關重九折難猶持  
漢使節尚服楚臣冠巢禽疑上幙驚羽畏虛彈飛蓬一作鴻

去不已客思

一作念

漸無端壯志與時歇生年隨事闌百齡

悲促命數刻念餘懽雲生隴坻黑桑踈劍北寒鳥道無蹊  
逕清瀨類聚作溪有波瀾思君化羽翮要我鑄金丹

別周處士

一作尚書弘正

庾信

扶風天柱一作石橋北函谷故關前此中一分手相逢知幾年

黃鶴遂及顧徘徊

一作戀

應愴然自知悲不已徒勞減瑟絃

此詩一百六十六卷重出今已削去注異同為一作

還草堂尋處士弟

周弘正

歲時易在再百齡倏將半故老多零落山僧盡離散宿樹  
倒為查舊水侵成岸幽尋屬令弟依然歸舊館感物自多  
傷况乃春鶯亂

贈程處士

王績

百年長擾擾萬事悉悠悠日光隨意樂

集作落

河水任情流

禮樂囚

集作因

姬旦詩書縛

集作傳

孔丘不如高枕枕時取醉

消愁

贈衛八處士

杜甫

人生不相見動如參與商今夕復何夕共此燈燭光少壯  
能幾時鬢髮各已蒼訪舊半為鬼驚呼熱中腸馬知二十  
載重上君子堂昔別君未婚兒女忽成行怡然敬父執問  
我來何方問答乃未已

集作未及

驅兒羅酒漿夜雨剪春韭新  
炊間黃梁主稱會面難一舉累十觴十觴亦不醉感子故  
意長明日隔山岳世事兩茫茫

留別龔處士

李白

龔子棲閑地都無人世喧柳深陶令宅竹暗辟疆園我去  
黃牛峽遙愁白帝猿贈君卷施草心斷竟何言

贈丹陽周處士惟長

前人

周子橫山隱開門臨城隅連峰入戶牖勝槩凌方壺時在

白紵詞放歌丹陽湖水色傲溟渤川光秀菰蒲當其得意  
時心與天壤俱閑雲隨舒卷安議集作身有無抱石耻獻  
玉沉泉笑探珠羽化如可作携手集作上清都相携

贈張公洲革處士

前人

列子居鄭圃不將衆庶分革侯一作卓然遁南浦常恐楚人聞  
抱甕灌秋蔬心閑遊天雲每將瓜田叟耕種漢水濱時登  
張公洲入獸不亂群并無桔槔事閑絕刺繡文長揖二千  
石遠辭百里君斯為真隱者吾黨慕清芬

巴陵別劉處士

王昌齡

劉生隱岳陽心遠洞庭水偃帆入山郭一宿楚雲裏竹映  
秋館深月寒江風起烟波桂陽城日夕數千里嫋嫋清夜  
猿孤舟坐如此湖中有來鴈兩聲音音

過湖南羊處士別業

劉長卿

杜門成白首湖上寄生涯秋草無集作三逕寒塘獨一家  
鳥歸村落靜水向縣城斜愛子醒還醉籬東菊正花集作

東籬菊年  
年鮮作花

過終南山柳處士

司空曙

雲起山蒼蒼林居蘿薛荒幽人老深境素髮與青裳兩條  
莓苔綠風搖蕳首香洞泉分派一作流淺巖笋出叢長敗履

安松砌餘碁在石牀書名一為別還路已堪傷

因省風俗訪處士姪不見題壁 韋應物

去年澗水今亦流去年杏花今又拆山人却歸來問誰還

是去年行春客

潘處士宅會別

戴叔倫

相邀寒影晚惜別故山空隣里疎林在池塘野水通十年  
難遇後一醉幾人同復此悲行子蕭蕭逐遠蓬

留別宋處士

前人

留歡方繼燭此會豈他人鄉里遊從舊兒童內外親夜深  
愁不醉老去別何頻莫折園中柳相看惜暮春

待漏假寐夢歸江東舊居因寄惠閣梨茅處士特德

輿秉政未果會故也

權德輿

十年江浦臥郊園閑夜分明結夢魂舍下烟蘿通古寺湖  
中雲雨到前軒南宗長老知心少法東郭先生識化源覺後

清漏曉又隨簪佩入君門

送李處士歸弋陽山居

前人

驚來城市意何如却憶着陽溪上居不憚薄田輸井稅自  
將佳句着州閭波翻極浦檣竿出霜落秋郊樹影疎想到  
家山無俗侶逢迎只是坐藍輿

勞山居寄呈吳處士

釋皎然

山事由來別只應中老身寒園掃綻栗秋浪拾乾薪楚人呼養  
柴為領鶴閑書竹誇雲笑向人俗家流一作相去遠野水作

東隣

同前

官居曩弊古今無名世才臣獨一余賢閣御題龍墨燦詔

歸補衣在須臾

贈王處士

王建

松樹當街雪滿地青山掩障碧紗帷鼠來案下長集作偷

水鶴在牀前亦看碁道士寫將行氣法家僮授與步虛詞

世間有似君應少便一作願乞從今作我師

送盧處士歸嵩山別業

劉禹錫

世業嵩陽集作山隱雲深無四隣藥鑪燒姪女酒甕貯賢人

晚日華陰霧秋風函谷塵送君從此去鈴閣少談賓

經王處士原居

張籍

舊宅誰相近唯僧近竹關庭寒雲滿井窻曉雪通山來客

半留宿借書多寄還明時未中歲莫便一生閑

寄梅處士

前人

擾擾人間足是非集作是與非官閑自覺省心機六街班裏身

常下九列符中事且集作亦稀市客慣曾賒賤藥家童驚見

着新衣君今獨得居山樂應笑多時未辦歸

送耿處士

賈島

一餅離別酒未盡即言行萬水千山路孤舟幾月程川原

秋色靜蘆葦晚風輕迢遞不歸客人傳虛隱名

憶吳處士

前人

半夜長安雨燈前越客吟孤舟行一月萬水與千岑島嶼

夏雲起汀洲芳草深何當折松葉拂石剡溪陰

憶江山吳處士

前人



閩國揚帆去蟾虧還復圓集作蟾蜍秋風吟渭水落葉滿  
長安此地聚會久集作夕當時雷雨寒蘭橈殊未返消息海  
雲端

尋陳處士山堂

劉得仁

步溪九幾轉始得見幽蹤地

集作路

隱千根樹門

集作房

開萬

仞峰片雲生石竇淺水臥枯松窮谷風光冷深山翠碧集作  
越濃鶴看空裏過仙向坐中逢底露秋潭水集作石聲微迴

觀鍾暮年來此定異日願相容且喜今歸去人間事更集作

事慵

訪曲江胡處士

前人

何況歸山後而今已似仙卜居天苑畔閑步禁樓前落日

明沙岸微風上紙鷲靜還林石畔

一作下

坐讀養生篇

送姚處士歸亳州

前人

白髮麻衣破還譙別弟迴首聖聽樂淚花落待歌盃石路

尋芝熟柴門有鹿來明王下徵詔應就碧峰開

題王處士山居

前人

茅堂入谷遠林暗絕其隣終口有流水經年無到人溪雲  
常欲雨山洞別開春自得仙家術栽松獨養真

文苑英華卷第二百三十一終

文苑英華卷第二百三十一

詩八十一

隱逸二

處士四十五首

山人二十一首

處士

春日送麗處士歸龍山

釋無可

愛弟直霜臺家山羨獨迴出門特返顧何日更西來柳亦  
臨闕發花應到越開漁舟誰伴上依舊恣公洄

酬吳處士

一作寄 朱慶餘

周賀

已當聽鴈夜多事不一作同居故疾離城晚秋霖九月疎

趣一作聽

鍾開靜戶帶

一作掃

葉卷殘

一作開

書蕩

一作盪

槩期南

去荒園久廢鋤

此詩二百四十六卷二百六十一卷重出並已削去

注異同為一作

送沈處士赴蘇州李中丞招以詩贈行 杜牧

山城樹葉紅下有碧溪水溪橋向吳路酒旗誇酒美下馬  
此送君高歌為君醉念君抱材能百工在城壘空山三十  
年鹿裘挂窓睡自言隴西公飄然我知已舉酒屬吳門今  
朝為君起懸弓三百斤囊書數萬紙戰賊即戰賊為吏即  
為吏盡我所有無惟公之指使予曰隴西公滔滔大君子  
常思掄群材一為國家治譬如匠見木礙眼皆不棄大者  
麤十圍小者細一指楮檝與棟梁施之皆有位忽然豎明  
堂一揮立能致予亦何為者亦受公恩紀處士常有言

為大豕常恨兩手空不付一馬筆今依隴西公如虎  
兩翅公非刺史材當坐巖廊地處士瑰竒姿必展平生志  
東吳饒風光翠巘多名寺疎煙疊疊秋獨酌平生思因書  
問故人能忘批紙尾公或憶姓名為說都憔悴

贈宣州元處士 前人

陵陽北郭隱身世兩忘者蓬蒿三畝居寬於一天下樽酒  
一作對不酌默 一作與玄相話人生自不足愛嘆遭逢寡  
前 此詩二百六十一卷重出今已削去注異同為一作

題常處士山居 集作題常 許渾

斲藥去還歸家人半掩扉山風藤子落溪雨 集作豆花肥  
寺遠僧來少橋危客過 一作稀不聞碓杵動應解剪 集作製

荷衣

贈裴處士

前人

為儒白髮生鄉里早聞名煖酒雪初下讀書山欲集作明

字形翻鳥跡詩調合猿聲門外滄浪水知君欲濯纓

送集作別常處士

前人

南北斷蓬飛別多相見稀更傷今日鬢集作酒未換昔時集

年衣舊友幾人在故鄉何所集作處歸秦原向西路雲晚雪

霏霏

此詩二百八十八卷重出今已削去

將赴京師留題孫處士山居二首 前人

西巖有高興路僻幾人知松蔭花開少集作晚山寒酒熟遲

野鶴休息過集作遇靈龜長見隣翁說容華

舊時

二

前人

草堂近西郭遙對鏡集作敬亭開枕膩海雲起簟凉山雨來

高歌懷地肺遠賦憶天台應笑集作學相如志終須駟馬廻

寄昭亭楊處士集作寄楊陵處士 前人

舊隱青山紫柱陰一書迢遞寄歸心謝公樓上晚花發集作

盛楊子宅前春草深吳岫雨來溪鳥浴楚山集作江雲暗嶺

猿吟野人寧負滄洲伴會待吹竽定至音

題獨孤處士村居 薛蓬

江上園廬荆作扉男驅耕犢婦鳴機林巒當戶為蘿暗桑

柘繞村薑芋肥幾畝稻田還謂業兩間  
菀舍亦言歸何如一被風塵染到老云云相是非

處士盧姑山居

温庭筠

西溪問樵客遙識楚人集作主人家古樹老連石急泉清露沙

千峰隨雨暗一逕入雲斜日暮鳥飛散滿山嬌麥花

題陳處士幽居

前人

松軒塵外客高竹集作枕自蕭疎雨後苔侵井霜來葉滿渠

閑看鏡湖畫時得越僧書若待前溪月誰人伴釣魚

題李處士幽居

前人

水玉簪頭白一作戴角巾瑤琴寂歷拂輕塵穠陰似帳紅薇

晚細雨如烟碧草春一作新隔竹日籠疑有鶴捲簾看畫更

無入南窓集作山自有忘機集作年交谷口空稱鄭子真

此詩三百十八卷重出今已削去

題李羽處士寄新醞走筆戲酌 前人

高譚有伴還成藪沉醉無期即是鄉已恨流鶯欺謝客更

將浮蟻與劉郎簷前柳色分張綠窓外花枝借助香所恨

玳筵紅燭夜草玄寥落近廻塘

處士隱居

張祜

斜日半飛閣高簷集作簾輕翳一作翳遠空清香芙蓉水碧冷琅

玕風絕岸孤沿泐脩廊趾崇隆唯當餌仙木坐作朱顏翁

送鄭台處士歸絳巖

方干

榮啓先生挾瑟去厭尋靈勝憶巖栖白猿啼集作垂樹窓邊

月紅鯉驚鈎竹外溪慣採藥苗資素饌曾書蕉葉寄新題  
古賢猶愴河梁別未可忽忽便解携

書桃花塢周處士壁

前人

醉吟雪月思彌苦思苦神勞白集作新髮生自學古賢脩靜

節唯應野鶴識高情細泉出石飛難盡孤燭和雲濕不明

何事懶於嵇叔夜更無書信集作札答公卿

贈黃處士

前人

閉戶先生無是非竹灣松樹藕絲衣愁吟密雪思難盡醉

倒落集作殘花扶不歸若出薜蘿迎鶴簡應隨舴艋別漁磯

到頭苦節終何益空改文星作少微

贈中巖王處士

前人

壘榜裊裊草芊芊氣象清深集作虛似洞天援筆便成鸚鵡

賦洗花亦集作頂用桔槔泉商於避世堪同日渭叟集作曲逢

時必有年直恐肺集作剛腸閑不集作未得醉吟爭奈被才牽

送房處士閑遊

李群玉

注集作採藥陶貞白尋山許遠遊刀圭藏妙用巖洞契冥搜

花竹集作月三湘水琴樽一葉舟羨君隨野性集作鶴長揖稻

梁愁

贈包處士

李洞

愁思枕月卧瀟湘寄宿慈恩竹集作寺裏房性急還集作却於

暮上慢身閑未免藥中忙休拋手網驚龍睡曾挂頭巾拂

鳥行聞說石門君舊隱寒峯集作風濺瀑壞書堂

虎丘寺贈漁處士

趙嘏

蘭若雲深處前年客重過  
岩空秋色動水濶夕陽多  
早負江湖志今如鬢髮何  
唯思閑勝我釣艇在煙波

送韋處士歸省朔方

前人

映柳見行色故山當落暉  
青雲知己歿白首一身歸  
蒲袖蕭關雨連沙塞鴈飛  
到家鸞有喜借取老萊衣

贈曹處士幽居

前人

勾漏先生冰玉然曾將八石問群仙  
中山暫醉一千日南苑住來三百年  
碁局不收花蒲洞霓旌欲別浪翻天  
何須更學鳴夷子頭白江湖一短船

新秋雨霽宿王處士東郊

馬戴

夕陽逢一雨夜雨洗清陰  
露氣竹窓靜秋光雲月深  
煎嘗靈藥味話及故山  
心得意西窗不寐微風生玉琴

送胡處士歸湘南

李頰

見話荆湘切長愁有去時  
江湖秋涉遠雷雨夜眠遲  
舊業多歸興空山盡老期  
天寒一瓢酒落日擬留誰

秋晚訪李處士所居

皮日休

門前襄水碧潺湲靜釣歸來不掩關  
書閣鼠穿厨麓破竹園霜後枯棹閑  
兒童不許驚幽鳥藥草須教上假山  
莫爲愛詩偏念我訪君多得醉中還

李處士郊居

前人

石衣如髮小一作水溪清溪上柴門架  
樹成園裏水流澆竹

響窓中人靜下棋聲幾多狎鳥皆諳性無限幽花未得名  
蒲引紅螺詩一首劉禎失却病心情

送陸處士

張喬

罇前放浩歌便起一作泛烟波舟楫故人少江湖明月多  
孤峯經宿上僻寺共雲過若向僊巖住還應著薜蘿

送韓處士歸少室山

前人

江外歷千岑還歸少室吟地閑緱嶺月窓迥洛城砧石竇  
垂寒一作乳松枝長別琴他年瀑泉下亦擬置家林

西蜀淨衆寺松溪八韻寄水筆崔處士 鄭谷

松因溪得名松吹蒼溪聲繚繞能穿寺幽竒不在城寒煙  
齋後散春雨夜中平染岸蒼苔古翹沙白鷺明澄分僧影

瓊光徹客心清帶梵侵雲響和鍾激石鳴淡烹新茗爽煖

送落花輕此景窮一作難盡憑君盡入京

蔡處士 前人

無著復集作無求平生不解愁鬢疏貧淨潔中酒病風流

旨趣陶山相詩篇沈隱侯小齋江色裏籬柱繫漁舟

梁燭處士辭金陵相國杜公歸舊山因以寄贈

前人

相庭留不得江野有苔磯兩浙尋山遍孤舟載鶴歸世間

書讀盡僧集作外客來稀諫署搜賢急應難借布衣

長安夜坐懷寄湖外嵇處士 前人

萬里念江海浩然天地秋風高群木落夜久數星流鍾絕



分宮漏螢微隔御樓

集作溝

遙知

集作思

洞庭上葦露滴漁舟

寄贈楊夔處士

前人

結茅依約釣魚臺  
澗水鷓鴣去又迴  
春卧甕邊聽酒熟  
露吟庭際待花開  
三江勝景遨遊遍  
百代群書講論來  
國步未安風雅薄  
可能高尚抑天才

此詩二百六十四卷重出今已削去

題仇處士郊居

棄官卜居

杜荀鶴

江南景簇好  
集作此林亭手板藍裾自可輕  
洞裏客來無俗話  
郭中人到有山情  
閑拋集作敲巖果呼猿接  
時釣溪魚引鶴爭  
笑我有詩三百首  
馬蹄終日急於名

憶張處士

王貞白

天台張處士詩句造玄微  
古樂知音少  
名言與俗違  
山嵐入松徑  
海月上巖扉  
畢世唯高卧  
無人說是非

韋曲杜處士新居

羅隱

翠斂王孫草  
荒誅宋玉茅  
寇餘無故物  
時薄少深交  
迸筍穿集作侵行逕  
肌雜出壞巢  
小園吾亦有多病  
近來拋

酌張集作章處士見寄

前人

中原甲馬未曾安  
今日逢君事萬端  
亂後幾回鄉夢隔  
別來何處路行難  
霜鱗共落三門浪  
雪鬢同歸七里灘  
何必新詩更相戲  
小樓吟罷暮天寒

早春送處士張坤歸汴州

集作大眾

前人

蕭蕭羸馬正塵埃  
又送歸軒向吹臺  
別酒莫辭今夜醉  
故

人知是幾時來集作泉經華嶽猶應凍花到梁園始合開  
為謝東門抱關吏不堪惆悵蒲離盃

此詩又見二百八十三卷

贈鏡湖處士方干二首

曹松

包含教化剩搜羅句出東甌奈峭何世路不妨平處少才  
人唯是屈聲多雲來島上便幽石月到湖心忘白波後輩  
難為措機杼先生織字得龍梭

二

祗擬應星眠越絕唯將麗什當高勳磨礱清濁人難會織  
絡虛無帝亦聞鳥道未知山足雨漁家已沒鏡中雲他時  
莫為三徵起門外沙鷗解笑君

再訪陸處士

前人

萬卷書邊人半白再來惟恐降玄纁性靈比鶴爭多少氣  
力登山較幾分吟髯漸無前度漆寢衣猶有昨宵雲將知  
谷口耕烟者低視齊梁楚趙君

題任處士脩精舍

魚玄機

幽人剗竒境遊客寄一作行程粉壁空留字蓮宮未有名  
鑿池泉自出開逕草重生百尺金輪閣當川豁眼明

山人

寄鄭霍二山人

王維

翩翩繁華子多事集作出金張門幸有先人業早逢集作明  
主恩同童年且末學肉食驚華軒豈乏中林士無人薦

至尊鄭生老泉石霍子安丘樊賣藥不二價著書盈萬言  
息陰無惡木飲水必清源吾賤不及議斯人竟誰論

遊李山人所居因題屋壁

前人

世上皆如夢往來或自歌問年松樹老有地竹陰集作多

藥倩韓康賣門容尚子過翻嫌枕席上無那集作奈白雲何

寄張十二山人彪

杜甫

獨卧嵩陽客三違一作逢穎水春艱難隨老母慘澹向時人

謝氏尋山屐一作履陶公一作潛漉酒巾群兒彌宇苗此物在

風塵歷下辭姜被關西得孟隣早通交一作哭密一作潤晚接道

流新靜者心多妙先生藝絕倫草書何一作甚古詩興不

無神曹植休前輩張芝更後身數篇吟一作可老一字買堪貧

將愁曾防寇深潛託所親寧聞倚門夕一作盡力繁殮晨踈

為名俱驅馳喪我真素居猶寂寞相遇益酸一作愁辛流轉

依邊微逢迎念席玆時來故舊少亂後別離頻世祖脩高

廟文公賞從臣商山猶入楚源一作湍水不離一作流秦存想

青龍秘騎行白鹿馴耕巖非谷口結草即河濱肘後符應

驗囊中藥未陳旋懷一作懷賢殊不慊良覲渺無因自古皆悲

恨浮生有屈伸此邦今尚武何處且依仁鼓角凌天籟關

山信月輪官場羅鎮積賊火近洮岷蕭瑟一作索論功一作兵

地蒼忙闔將辰大軍多處所餘孽尚紛紛高興知籠鳥斯

文豈一作起獲麟窮秋正搖落迴首望松筠

送范山人歸太山

李白

魯客抱白鶴別余往太山初行若片雪杳在青崖間高高  
至天門海日近可攀雲生望不及此去何時還

送楊山人歸嵩山 前人

我有萬古宅嵩陽一作山玉女峯長留一片月掛在東溪松  
爾去掇仙草萑蒲花紫茸歲晚或相訪青天騎白龍

下終南山過斛斯山人宿置酒 前人

暮從碧山下山月隨人歸却顧所來逕蒼蒼橫翠微相携  
反田家稚子開荆扉綠竹入幽徑集作援青羅拂行衣歡言  
得所懋美酒聊共揮長歌吟松風曲盡河星稀我醉君復  
樂陶然共忘機

送鄭山人還廬山人別業 劉長卿

潯陽數畝宅歸卧掩柴關谷口何人待一作門前秋草開  
忘機賣藥罷揮手一作不語杖藜還舊筓成寒竹空齋向暮山  
水流經一作過舍下雲去一作起到人間桂樹花應發因行寄  
一攀

此詩二百七十卷重出今已削去注異同為一作

送朱山人放歸山陰 前人

入白沙渚寅緣二十五里至石室山下懷天台陸

山人 前人

遠嶼藹將夕翫幽行自遲歸人不計日流水閑相隨輟棹

石集作古崖口捫蘿春景熙偶因廻洲次寧與前山期對此

瑤草色懷君嚙樹枝浮雲去寂寥集作冥白鳥相集作來因依

何事愛高隱但令勞遠思窮年卧海嶠求望愁天涯吾亦  
從君一作此去扁舟何所之迢迢江上帆千里東風吹

宿關西客舍寄東山嚴許二山人時天寶初七月

初三日在學見有高道舉徵 岑參

雲送關西雨風傳渭水秋孤燈燃客夢寒杵擣鄉愁灘上  
思嚴子山中憶許由蒼生今有望飛詔下林立

寄華陰山人李剛 前人

君隱處當一星蓮花峯頭飯黃精仙人掌上演丹經鳥可  
到人莫攀隱來十年不下山袖中短書誰為達華陰道士  
賣藥還

送楊山人歸嵩陽 高適

不到嵩陽動十年舊家一作時心事已徒然一二故人不復  
見三十六峯猶眼前夷門二月柳條色流鶯數聲浹沾臆  
鑿井耕田不我招知君以此志帝力山人好去嵩陽路唯  
余眷眷長相憶

送帝山人二字集作歸鍾山別業 李嘉祐

旗亭閣書罷集作祈門負筴向桃源萬卷長開帙千山不

掩集作峯門綠楊垂野渡一作黃鳥傍山村念爾能高枕

丹墀會一論

此詩二百七十卷重出今已削去

送陸鴻漸山人採茶廻 皇甫曾

千峯待逋客香茗復叢生採摘知深處煙霞羨獨行幽期

山寺遠野飯石泉清寂寂燃燈火相思一磬聲

贈強山人

即士元

或掉孤舟或杖藜尋常適集作隨意釣前溪草堂竹逕在何

處落日孤煙寒渚西

送王山人歸別業

集作送元晟歸潛山所居

皇甫冉

深山秋事

問氣集作意

早歸去意

集作復

何如浥露收新稼迎寒

葺舊廬題詩即招隱作賦足

集作是

閑居別後空相憶嵇康

懶寄書

集作讀書

此詩二百七十二卷重出今已削去

送李山人還

前人

從來無檢束只欲老煙霞雞犬聲相應深山有幾家

送李山人還玉溪

顧況

好鳥共鳴臨水樹幽人獨欠買山錢若為種得千竿竹引

取君家一眼泉

贈題常山人

耿緯

失意成逋客終年獨掩扉無機狎鷗慣多病見人稀流水

知脩

一作行

藥孤雲伴採薇空齋暮還坐心事與時違

奉和張大夫詔高山人

司空曙

野客居鈴閣重門將校稀豸冠親敕弁龜印織集作識荷衣

坐久寒泉

集作鱗

爽談餘暮角微蒼生湏太傅山在豈容歸

送麴山人往

集作住

衡山

前人

白石先生眉髮老

集作光

已分緝

集作緝

雪飲紅漿衣巾半染

煙霞色集作氣語笑兼和藥草香茅洞玉聲流暗水衡山碧  
氣集作色映朝陽千年城郭如相問華表峩峩有夜霜

苑英華卷第二百三十一

苑英華卷第二百三十二

詩八十二

隱逸三

山人三十三首

隱士四十二首

山人

送侯山人赴會稽

崔峒

仙客辭蘿月東中就一官且歸滄海住猶向白雲看猿叫  
江天暮蟲聲野浦寒時遊鏡湖裏爲我把魚竿

禁中送任山人

此人自青城獻伏火諸石  
恩命令於木山更取大還

李秘

子去非長遠君恩取大還補天留彩石縮地入青山獻壽  
千春一作年外來朝數月間莫拋殘藥物竊欲駐童顏

行藥前軒呈董山人

盧綸

不覺老將至，瘦來方自驚。朝昏多病色，起坐有勞聲。體一  
騰，暖苦肌癢藏。虛唯耳鳴桑，公富露術一。為保餘生。

早行寄朱山人放戴叔倫

山集作曉旅人去天高秋氣悲，明河川上沒芳草。露中衰

集作此別又萬集作里少年能幾時，青冥詩選作剡溪路

集作心與謝公期詩選作聊且寄前期

贈李山人屠

前人意無所欲集作靜閉門風景遲，柳條將白髮相對共垂

絲

酬秦山人出山見呈

釋皎然手携酒榼共書帙，迴語長松我即歸。若是出山機更一作

雲何事背君飛

尋李山人不遇

王建山客長閑少，在時溪中放鶴洞。中碁生金有氣尋，還遠仙

藥成窠見即移，莫為無家陪寺宿一作應緣將米寄人炊

從頭石上留名去，獨向峰前問老師

太山集作老人

張籍日觀東邊集作幽客住竹巾，藤帶亦逢迎。暗脩黃籙無人

見，深種胡麻共犬行。洞裏仙家常獨往，壺中靈藥自為名

春泉四面遶一作西非茅屋，日日唯聞杵臼聲

池上贈山人韋君

白居易新竹夾平流，新荷拂小舟。眾皆嫌拙好，誰肯伴閑遊。客為



忙多去僧曰飯暫留猶憐帝處士盡日共悠悠

題施山人野居

前人

得道應無着謀生亦不妨春泥秧稻暖夜火焙茶香  
水巷風塵少松齋日月長高閑真是貴何處覓侯王

贈王山人

前人

聞君減寢食日聽神仙說暗待非常人潛求長生訣  
言長本對短未離生死轍假使得長生總能勝天拆松樹千年  
朽槿花一日歇畢竟共虛空何須誇歲月彭殤徒自異生  
死終無別不如學無生無生即無滅

送孫山人

姚合

山人言語質世恨多時集作山翁來帝里不肯住多時塵土衣裳重

鳳雛僕隸肥林中愁不到城外老應遲誼寂一為集作別相逢未有期

寄崔之仁山人

前人

百門陂集作坡上住石屋兩三間日月難教化集作老妻兒乞

與閑仙方集作經棟客示集作問酒價集作藥債煮金還何計能相

引集作訪終身得在山

贈王隱山人

于武陵

石室掃無塵人寰與此分飛來南浦樹半是華山雲浮世  
幾多事先生應不聞寒川蒲西日空照鴈成群

送褚山人歸日本

賈島

懸帆待秋色去人杳冥間東海幾年別中華此日還岸遙

生白髮波盡露青山隔水相思在無書也是閑

贈劉山人

前人

二十年中服集作茯苓致書半是老君經東都舊住商人

宅南國新脩道士亭鑿井集作石養蜂休買蜜坐山秤藥不

爭星古來隱者多能卜欲就先生問丙丁

送朴山人歸日本

釋無可

海際晚帆開應無鄉信催水從荒外積人指日邊廻望國

乘風久浮天絕島來儻因華夏使書禮一作轉悠哉

送耿山人歸湖南

周賀

南行隨越僧別業幾池菱兩鬢已垂白一作五湖歸挂雪

夜濤鳴柵鎖寒葦露船燈去此已無事却來知未能

曉別呂山人

劉得仁

疎鐘蕪漏盡曙色照青氛棲鶴出高樹山人歸白雲月盈

明集作期重宿丹熟集作約相分羨入一作風洞幽泉子細聞

別王山人

前人

旨其雖集作旨遂自足未是祿榮親尚一作趨時伴多離有道

人山居衣以集作草生計藥隨集作身不食長無疾集作病

年知出一作過十旬

集本皆不及此書

贈陶山人

前人

處士例營營唯君縱此生閑能資壽考健不換公卿藥圃

妻同釋山田子共耕定知丹熟後無姓亦無名

送祖山人歸山

前人

偶來朝市笑浮雲，却憶烟霞出帝城。不說金丹能點化，空教弟子學長生。壺中瀉酒看雲飲，洞裏逢師下鶴迎。料得仙家玉牌上，已鐫白日上昇名。

贈王山人

許渾

貫酒携琴訪我頻，始知城郭集作市有閑人。君臣藥在寧憂病，子母錢成豈患貧。年長每勞推甲子，夜寒初共守庚申。近來聞說燒丹處，玉洞桃花萬樹春。

送徐山人歸睦州舊隱

雍陶

君在桐廬何處住，草堂應與戴家隣。初歸山犬翻驚主，又別沙鷗却避人。終日欲為相逐計，臨岐集作當時空羨獨

行身秋風釣艇遙，堪

集作相

憶七里灘西片月新

送朴山人歸新羅

集作海東

馬戴

浩渺行無極，楊帆但信風。雲山過海畔，集作半鄉樹入舟中。波定遙天出，沙平遠岸窮。集作蒙離心寄何處，目斷曙霞東。

題桐廬謝逸人

一作題廬峰謝山人江居

方干

少小高眠一作民無一事，五侯勳盛欲何如。潮邊倚竹寒吟苦，石上橫琴夜醉多。鳥自樹梢隨菓落，人從窓外卸帆過。由來朝士為真隱，可要棲身向薜蘿。

贈唐山人

李洞

垂鬢長我髮，七十黑如鬢。醉眼青天小，吟情太華低。房烘離海日，舟陷落潮泥。邛蜀路無限，往來琴自一作獨携。

送劉山人歸洞庭

李頎

去意無人會唯應道是從半湖乘早月中路入疎鐘秋盡  
戶蟲急夜深山雨重當時將隱者分得幾株松

題簡山人

張喬

名利了無時何人暫詣師道情閑外見心地與來知竹落  
忽穿葉松寒蔭井枝匡山許同社願卜挂帆期

贈別李山人

前人

分合老西秦年年夢白蘋曾為洞庭客還送洞庭人語別  
惜殘夜思歸愁見春滄浪濯纓處應念蒲衣塵

集作遙知泊舟  
處沙月自相親

送謝山人歸江夏

陳陶

黃鶴春風三千里山人佳期碧江水携琴一醉楊柳堤日

暮龍沙白雲起

尋九華王山人

楊夔

下馬扣荆扉相尋春半時捫蘿盤磴險疊石渡溪危松夾  
莓苔迳花藏薜荔籬卧雲情自逸名姓厭人知

題鄭山人郊居

前人

谷口今逢避世才入門瀟洒絕塵埃魚舟下釣乘風去藥  
醞留賓待月開數片石從青嶂得一條泉自白雲來竹軒  
相對無閑語盡日一作肆日南山不欲迴

隱士

招隱士遙遙公帝叟

周明帝

六爻貞遁世三辰光少微頰陽讓逾遠

一作頰陽去猶遠

滄州去

一作不歸坐石窺仙洞乘槎下釣磯嶺松千仞直巖泉百

丈飛香動秋蘭佩風飄蓮葉衣聊登平樂觀遙想首陽薇

詎一作儻能同四皓來參余萬機

一作皆藝文類聚

奉和趙王隱士

王褒

鳧鵠均長短鵬鷃共逍遙清襟蘊秀氣虛席蒲風颺斷絃

唯續葛獨酌只傾瓢菖蒲九重節桑薪七過燒

同前

庾信

洛陽徵五隱東都別二賢雲氣浮函谷星光集潁川霸陵

採樵路一作徑成都賣卜錢鹿裘披稍裂藜床坐欲穿阮籍

推類聚長嘯稽康訝下絃澗險無平石山深足細泉低松

猶百尺一作丈少鶴已千年野鳥繁絃嘒山北一作焰火燃雖無

亭長識終見野人船

奉報窮秋寄隱士

前人

王倪逢齧缺桀溺遇長沮藜床負日卧麥隴帶經鋤自然

曲木几無名科斗書聚花聊飼雀穿池試養魚小徑類聚

治澁路低田補壞渠秋水牽沙落寒藤抱樹疎空在平原

騎來過仲蔚廬

留贈山中隱士

周弘讓

行行訪名嶽處處必留連遂至一巖裏灌木上參天忽見

茅茨舍暖暖類聚有人煙一士開門出一士呼我前相

看不道姓誰類聚知隱與仙

策杖尋隱士

王績

策杖尋隱士行行路漸賒石梁橫澗斷土室映山斜

疑集作有舍威輦遂無家置酒燒枯葉披書坐落花新垂

滋水釣舊結茂陵置歲歲長如此方知輕世華

春日與裴迪過新昌里訪臣逸人不遇 王維

桃源一向絕風塵柳市南頭訪隱淪到門不敢題凡鳥看

竹何須問主人城外青山如屋裏東家流水入西隣閉戶

看集作書多歲月種松皆老作龍鱗集作皆作老龍鱗

尋白鶴巖張子膺隱處士集作張子容顏處士孟浩然

白鶴青巖半幽人有舊集作居階庭空水石林壑罷樵漁

歲月青松老風霜古竹餘集作親茲懷舊業杖集作策返

廬

望終南山寄紫閣隱者

李白

出門見南山引領意無限秀色難為名蒼翠日在眼有時

白雲起天際自舒卷一作心中與之然託興每不淺何當

造幽人滅跡栖絕巘

尋龍井楊老

劉長卿

柴門草舍絕風塵空谷耕田學子真泉咽豈勞經隴地集

山深不覺有秦人手栽松樹蒼蒼老身卧桃源寂寂春

唯有胡麻當鷄黍白雲來往未嫌貧

山行尋一作尋隱者不遇 丘為

絕頂一茅茨直上三十里叩關無僮僕窺室唯案几一作

若非巾柴車應是釣秋水差池不相見  
僊俛空仰止草色新雨中松聲晚窓裏  
及茲契幽絕自足盪心耳雖無賓主意  
頗得清淨理興盡方下山何必見一作待夫子一作皆文粹

送温逸人

垂白

集作隱几避松集作皆松

錢起

垂白無名老何年此陸沉丘園應得性  
婚嫁不縈心歲計因山薄霞栖在谷深  
設且連草色曝藥避松陰觸興雲生岫  
隨耕鳥下林搯頤笑來客頭上有朝簪

此詩三百十七卷重出今已削去

送韋逸人歸鍾山

郎士元

逸人歸路遠弟子出山迎服藥顏猶駐  
耽書癖已成柴扉多歲月藜杖見公卿  
更作儒林傳應須載姓名

五老峰大明觀贈隱者

姚係見文粹

雲觀此山北與君携手稀林端涉橫水  
洞口入斜暉乍覺鸞鶴邈忽為煙霧飛  
故人清和客默會琴心微丹術幸可授  
青龍當未歸悠悠平生意此日復相違

隱士

孟郊

本未一相返漂浮不還真山野多餒士  
市井無飢人虎豹忌當道麋鹿知藏身  
奈何貪競者日與患害親顏貌歲歲改  
利心朝朝新孰知富生一作者禍取富不取貧  
寶玉忌出璞出璞先為塵松栢忌出山  
出山先為薪君子隱石壁道書為我隣  
寢興思其義一作載源淡泊味始珍  
陶公自放歸尚平去一作正有依草木擇地生  
禽鳥順性飛青青與冥冥所

保各不遺

和盧常侍寄華山鄭隱者

張籍

獨憶

集作坐

三峯下年深學鍊丹一間松葉屋數片蘇

集作石

花冠酒待山中飲琴將洞內

集作裏又作口

彈開門移遠竹剪草

出幽蘭荒壁通泉架晴崖曬藥壇寧知騎省客長向白雲

看

寄紫閣隱者

前人

紫閣氣沉沉先生住處深有人時得見無路可相尋

集作夜

野鹿伴茅屋秋猿

一作園非

守栗林唯應採靈藥更不別經心

集作營心又作相侵

贈隱者

前人

先生已得道市井亦容身救病自行藥得錢多與人問年

常

一作長

不定傳法又非真每

一作常

見隣家

一作翁

說時聞

時使鬼神

此詩二百二十九卷重出今已削去注異同為一作

贈新辟穀者

前人

學得食霞法逢人與小還身輕堪

集作曾

試鶴力弱未登

集作

離山無食犬猶

一作常

在不耕牛自閑朝朝唯盥漱

集作空漱水

叩齒草堂間

寄邢逸人

鄭常

羨君無外事日與世情違地僻人稀

一作難

到溪深鳥自飛

儒衣荷葉老野飯藥苗肥疇昔江湖意如今憶共歸



贈隱者已見二百卷

于鵠

懷西峰隱者

周賀

萬木藏峰色天寒望即愁高源何日去遠瀑入城流臘近

音一作溪書絕燈殘雲霰一作夜雪稠還當相憶處枕上苦吟休

送孫逸人

賈島

衣履集作履猶同俗妻兒亦宛然不食能累月無病已多年

是藥皆諳性令人漸信仙杖頭書數卷荷入翠微煙

懷紫閣隱者

前人

寂寥思隱者孤竹集作燭坐秋霖梨栗猿喜熟雲山僧說深

寄書應不到結伴擬同尋廢寢方終夕迢迢一作沉紫閣心

題隱者居

前人

鑿有柴門長不關片雲孤木伴身閑猶嫌住久人知處見

擬移家更上山

杜牧

長懸青紫與芳枝塵刹一作世無因免別離馬上多於在家

日罇前堪憶少年時關河客夢還鄉遠雨雪山程出店遲

却羨高人終此老軒車過盡不知誰

送隱者

前人

無媒逕路草蕭蕭自古雲林遠市朝公道世間唯白髮貴

人頭上不曾饒

寄題商洛王隱士居

許渾

近逢商洛客知爾住南塘草閣平春水柴門掩夕陽尋蜂

文苑英華 卷一百一十五  
馮野蜜隨麝拾集作生香更憶前年別集作醉 松花浦石床

題終南山隱者居

姚鵠

開門絕壑旁躡躡過花梁路入峰巒影風來芝木集作香  
夜吟明雪牖春夢閑雲房盡室更何有一琴共一觴

寄終南山隱者

薛能

海日東南出應開嶺上扉掃壇花入簞科竹露霑衣飯後  
嫌身重茶中見鳥歸相思愛名者難說與親違

贈隱者

前人

自得高閑性平生向北棲月潭雲影短集作山葉雨聲齊  
庭樹人書匝欄花鳥坐低相畱未不望集作經宿話丹梯

嵩陽隱者

李頰

當門看少室倚杖復披衣每日醒還醉無人是與非架書  
抽讀亂庭果摘嘗稀獨有江山客思家未得歸

贈隱者

溫庭筠

茅堂對薇蕨爐煖一裘輕醉後楚山夢覺來春鳥聲採茶  
溪樹綠煮藥石泉清不問人間事忘機過此生

贈華山

集作隱者

方干

少微夜夜當仙掌更有何人在此居花月舊交看浴鶴松  
蘿本主集作伴刪書素琴醉後集作經宵枕衰髮寒來向

日梳故國多年歸未遂因逢此地憶吾廬

送隱者歸羅浮

李群玉

春山杳杳日遲遲露入雲峰白犬隨兩卷囊一作書畱貫

酒一柯樵斧坐看碁蓬萊道士飛霞札清遠仙人寄好詩  
自此塵寰音信斷山川風月未相思

題嵩高隱者居

鄭谷

豈易訪仙蹤雲蘿千萬重他年來卜隱此境願相容亂水

林前

集作中

路深山望

集作雪

裏鍾見君琴酒樂迴首興何慵

送張逸人

前人

人間踈散更無人浪兀孤舟酒兀身蘆笋鱸魚拋不得五  
陵珍重五湖春

避世翁

陳陶

海上一簑笠終年垂釣絲滄洲有深意冠蓋何由知直鉤  
不營魚蝸室無妻兒渴飲寒泉水肌飡紫靈一作木芝鶴髮

披兩肩高懷如澄陂嘗聞仙老言云是古鴟夷石竇闕霄  
雨金潭養蛟螭乘槎上玉津騎鹿遊峨嵋以人爲語默與  
世爲雄雌茲焉乃磻溪豹變應須時自古隱淪客無非王  
者師

題袁溪張逸人所居

羅隱

蒲梢獵獵鷺差池數里溪光日落時芳草

集作樹

文君機上

錦遠山孫壽鏡中眉雞窻夜靜開書卷魚檻春深展釣絲  
若使浮名拘絆得世間何處有男兒

寄南城韋逸人

前人

杜甫詩中常曲花至今無賴尚家家美人曉折露沾袖公  
子醉歸香蒲車萬里丹青傳不得二年風雨恨無涯羨他

南澗高眠客春去春來任物華

寄喬逸人

前人

南經湘水

集作浦

北揚州別後風帆幾度遊春酒誰家禁爛

熨野花何處最淹留欲憑尺素邊鴻懶未定雕梁海鷺愁

長短此行須入手更饒君占一年休

集作秋

羅浮山下書逸人壁

曹松

海上亭臺山下煙買時幽邃不爭錢莫言白日催華髮自

有丹砂駐少年漁釣未歸深竹裏琴壺猶戀落花邊可中

更踐無人境知是羅浮第幾天

文苑英華卷第二百三十二

詩八十三

文苑英華卷第二百三十三

寺院一

塔附

梁武帝一首

陳後主一首

江總五首

劉孝先一首

庾信二首

蕭愨一首

孔德紹一首

徐伯陽一首

劉孝孫一首

王勃二首

盧照隣二首

駱賓王一首

沈佺期二首

宋之問九首

張說四首

蘇頌三首

張九齡二首

蔣渙一作煥一首

寇埴一首

寇垣一首

孫逖二首

天安寺疏圃堂

梁武帝

乘和蕩猶豫此焉聊止息連山去無限長洲望不極參差

照光彩左右皆春色暍暖暘遊絲出沒看飛翼其樂信忘

返條一作然寧有即

同江僕射遊攝山棲霞寺

陳後主

時宰磻溪心非關狎竹林鷺嶽青松繞雞峯白日沉天回

浮雲細山空明月深摧殘枯樹影零落古藤陰霜月夜鳥

去風露寒猿吟自可盡出俗詎是願抽簪

遊栖霞寺新雨集作時雨

江撻

蕭索新雨霽清和孟夏肇栖宿綠野中登岫只丹霞杪敬仰

高人德抗志塵物表三空豁已悟萬有一何小始從情所

寄冥期諒不少荷衣步林泉麥氣涼昏曉乘風西冷冷候

月臨皎皎煙崖懋古石雲路排征鳥披逕憐森沉攀條惜

杳曩平生忘是非朽謝豈矜矯五淨自此生一作六塵庶

無擾

攝山栖霞寺山房夜坐簡徐祭酒周尚書共遊羣

彦

前人

澡身事珠戒非是學金丹月磴時橫枕雲崖宿解鞍梵宇

調心易禪庭數息難石澗水流靜山窻葉去寒君思北闕

駕我惜東都冠鬢愁夜鍾盡同志不盤桓

再遊栖霞寺言志

前人

靜心抱冰雪暮齒通疑桑榆太息波川迅悲哉人世拘歲

華一作聿皆採獲冬晚共嚴枯濯流齊八水開襟入四衢茲

山靈妙合當與天地俱石瀨乍深淺煙岸一作遮有無缺

碑橫古隧盤木卧荒塗行行備履歷步步憐威紆高僧迹

共遠勝地心相符樵隱各有得丹青獨不渝遺風佇芳桂

比德喻生芻寄言長往客悽然傷鄙夫

明慶寺

前人

十五詩書日六十軒昂年名山極歷覽勝地殊雷連幽崖

聳絕壑初學記作壁洞穴寫飛泉金河知證果石室乃安禪市

朝霑草露淮海桑田昨夜梵聞三界朝香徹九天山階步

皎月澗戶聽涼蟬初學記作何言望鍾嶺更復切秦川

入龍丘巖精舍

前人

法堂猶集鴈僊竹幾成龍聊承丹桂馥遠視一作白雲峯

風窸穿石竇月牖拂霜松暗谷雷征鳥空林徹夜鍾陰峰

未辨色疊樹豈知重溘此哀時命吁嗟世不容無由訪詹

尹何去復何從

和七名法師秋夜草堂寺禪房月下 劉孝先

幽人住山北月上一作照山東洞戶臨松徑虛窻隱竹叢

出林避炎影步逕一作逐涼風平雲斷高岫長河隔淨空

數螢流暗草一鳥宿踈桐興逸煙霄上神閑宇宙中還思

城闕下何異處樊籠

和周趙王遊雲居寺

庾信

重巒千仞塔危磴九層臺石關還一作常逆上山梁作斗廻

階類聚作階下雲峯出窻前風洞開隔嶺鍾聲應類聚作度中天梵

響來于時欣侍從於此共徘徊

奉和太寺浮圖

前人

茗茗陵太一作泰清照殿比東京長影臨雙闕高層出九城

拱積浮雲礙幡搖度鳥驚花一作鳳飛如始落一作通連合似

初生輪重對月滿鐸韻擬鸞聲畫水流全住圖雲色半行

一作輕煙露晚一作露猶滴珠火朝更明雖連博望苑還接

銀沙城天香下殿桂仙梵入伊笙庶同八界樂一作庶聞

方遣六塵情一作皆藝

和崔侍中從駕經山寺

蕭愨

鈎陳夜驚微河漢曉參一作縱橫遊騎騰騰一作雲馬前驅轉

翠旌野禽喧曙色山樹動秋聲雲表金輪見巖端畫拱明

塔疑從地涌蓋似積香成泉高下溜急松古上枝一作楷平

儀容初學記作合多壯思麗藻蔚綠情自嗤非照庶何以繼連

城

登白馬山護明寺

孔德紹

名嶽標形勝危峰遠鬱紆成象建環極大壯闡規模一作

層臺聳靈鷲南一作高殿邇陽鳥暫同遊閨苑還類入仙都

三休開碧嶺一作題萬戶動一作洞金鋪攝心罄前禮訪道把

中衢一作虛遙瞻盡地軸長望極天隅白雲起梁棟丹霞映

松檼露花疑濯錦泉月似沉珠今日桃源客相顧失歸塗

遊鍾山開善寺

徐伯陽

聊追鄴城友躡步出蘭宮法侶殊人世天花異俗中鳥聲不測處松吟未覺風此時超愛網還復洗塵蒙

遊靈山寺

劉孝孫

吾王遊勝地駮駕歷祗園臨風畫角憤曜日采旗翻未懷筌了義寂念啓玄門深溪窮地脉高嶂接雲根信美諧心賞幽桂一作且攀援曳裙欣扈從方悟屏塵誼

遊梵宇三學寺

王勃

杏閣披青磴瑤臺控紫岑葉齊山路逕一作花積野壇深蘿幌栖禪影松門聽一作梵音遽忻陪妙躅延賞一作滌

燠襟

觀佛跡寺

前人

蓮座神容儼一作松崖聖趾餘年長金跡淺地久石芝一作文疎頽華臨曲磴傾影赴前除共嗟一作陵谷遠俄視化

城一作虛

石鏡寺

盧照隣

古墓芙蓉塔明神松栢煙鸞沉僊集作鏡底花沒梵輪前銖末千古佛寶月兩重圓隱隱香臺夜鍾聲徹九天

赤谷安禪師塔

前人

獨坐巖之曲悠然無俗紛酌酒呈丹桂思詩贈白雲煙霞朝晚一作聚猿鳥歲集作時聞水華鏡秋色山翠含夕暉



高談十二部細數五千文如如數冥昧生生理氣集作氤

古人有糟粕輪扁情未分且當事芝朮從吾所好云

和王記室從趙王春日遊陁山寺 駱賓王

鳥旗陪訪道鷺嶺洽一作棲真四禪明靜業三空廣勝因

祥河踈疊澗慧日皎重輪葉暗龍舟密花明鹿苑春彫談

筌奧旨妙辯漱玄津雅曲終難和徒自奏巴人

樂城白鶴寺 沈佺期

碧海開龍藏青雲起鴈堂湖一作聲應法鼓雨氣濕天香

樹接前山暗溪承瀑水涼無言誦居遠清淨得空王

遊少林寺 前人

長歌遊寶地徙倚對珠林鴈塔丹青古龍池歲月深緝園

處吟 處集作山蟬集作處

處吟

遊韶州廣果寺 宋之問

影殿臨丹壑香臺隱翠霞巢飛銜一作象鳥砌蹋雨空花

寶鐸搖初霽金池映晚沙莫愁歸路遠門外有三車

宿清遠峽山寺 前人

香岫懸金刹飛泉界石門空山唯習靜中夜寂無喧說法

初聞鳥看心欲定徠寥寥隔塵事何異武陵源

遊法華寺二首 前人

薄遊京都日遙羨稽山名分刺江海郡竭來徵素情松路

洗心眷象筵敷念誠薄雲解一作青嶂暎一作日騫朱薨

苔澗一作深不測竹房閑且清感真六象見垂兆二鳥一作

鳥鳴古今信靈跡中州莫與京林嶽未栖業豈伊在一生

浮悟雖已久事試去來成觀念幸相續庶幾最後明

同前

前人

高岫擬耆闍真乘飲妙車空中結樓殿意表出雲霞後果

傳三足一作尺前因感一作取六牙宴林薰寶樹水涵溜集作

金沙寒谷梅猶淺温庭橘未華臺香紅藥亂塔影綠篁遮

果漸輪王族緣超梵帝家晨行蹋忍草夜誦得靈花江郡

將何匹天都亦未加朝來泛舟一作沿所應是逐僊查

遊雲門寺

前人

維舟深靜域作禮事尊經投跡一蕭散為心自杳冥龕交

大禹穴樓倚少微星沓嶂圍蘭若廻溪抱竹庭覺花塗砌

白甘露洗山青鴈塔騫金地虹橋轉翠屏人天宵念影神

鬼晝潛形理勝常虛寂緣空自感靈入禪從鶴繞說法有

龍聽劫累終期滅塵躬豈暫寧搖搖不安寐待月詠崑崙

遊稱心寺

前人

釋事懷三隱清襟謁四禪江鳴潮未落林曉日初懸寶葉

交香雨金沙吐細泉望諸舟客趣思發海人煙顧櫪仍留

馬乘盃久棄船未遊龜負岳且識鳥耘一作耕出理契都無

象心冥不計筌安期庶可揖天地得齊年

秋晚遊普耀寺

前人

薄暮曲江頭仁祠暫可留山形無隱霽野色遍呈秋荷覆

卷一百一十五

七

東

香泉密藤纏集作綠寶樹幽平生厭塵事遇集作過此忽悠悠

題杭州天竺寺

前人

鷲嶺鬱岩堯龍宮隱寂寥樓看一作觀滄海日門聽浙江潮

桂子月中落天香雲外飄捫蘿登塔遠剝木取泉遙霜序

花更發冰溪葉未凋夙齡尚遐異搜對滌煩囂會入天台

裏者余渡石橋

宿雲門寺

前人

雲門若邪裏泛鷁路纔通夤緣綠篠岸遂得青蓮宮天香

衆壑滿夜梵前山空漾漾潭際月飄飄集作颺杉上風茲焉

多嘉遯數子今莫同鳳歸慨處士鹿化問一作聞僊公樵路

鄭州北學井阿巖東未夜豈云寐曙華忽葱龍谷鳥轉尚

漣源桃驚未紅再來期春暮當造林端窮庶幾蹤謝客開

山投剡中

清遠江峽山寺

張說

流落經荒外逍遙此梵宮雲峯吐日月集作月白石壁淡煙虹

集作紅寶塔靈僊湧懸龕造化功天香涵竹氣虛唄引松風

簷牖飛花滿集作入廊堦集作房廊激水通徭鳴知山靜魚戲見

集作辨江空靜默將何貴所貴心境集作同

襄州景空寺題融上人蘭若

張說

高名出漢陰禪閣跨香岑衆山既集此皆圍遠長澗集作復

廻臨雲峯曉靈集作空變風木夜虛吟碧甃龍池滿蒼松虎

逕深舊知清巖意集作青巖偏入冥宵心何由侶飛錫從此

脫朝簪

滄湖山寺

前人

空山寂歷道心生虛谷迢

集作迢

遙野鳥聲禪室從來塵外

賞春臺豈是世中情雲間東嶺千重出樹裏南湖一片明

若使巢由同

一作知

此意不將薤薜易簪纓

遊龍山靜勝寺

前人

每上襄陽樓遙望龍山樹鬱弗吐岡嶺微芒

集作蒙

在煙霧

下車歲已成飾馬閑

集作問

餘步苦霜衰

集作豪

野草愛日揚

紅

集作江

煦雲對石上塔風入松下路禪室宴三空仁祠圖

集作同

六趣兒童供戲

集作共嬉

詭猿鳥相驚顧南識恒山

集作匡公

臺北亂先賢墓世上人何在時聞心

不住唯

一作但

傳無盡

可使有情悟

武檐山寺

蘇頲

見集本

武檐獨蒼然墳山下至泉豔靈時共盡龍女事同遷松柏

銜哀處幡花種福田詎知晉鏡石長與法輪圓

慈恩寺二月半寓言

前人

二月韶春半三空霽景物初獻來應有受戒盡竟無餘化迹

傳官寺歸誠謁梵居

一作問

殿堂花覆席觀閣柳垂疏共命

枝間鳥長生水上魚問津窺彼岸迷路得真車行密幽關

靜談精俗態祛稻麻欣所遇蓬蘚愴焉如不駐秦京陌還

題蜀郡輿愛離方自此迴望獨躊躇

利州北佛龕前

此一字

無重於去歲題處作

前人

重巖戴清美分塔題增集作起曾標蜀守經塗處巴人作禮朝  
地疑三界出空是六塵銷卧石鋪蒼蘚行江覆綠條歲年  
書有記非為學題橋

祠紫蓋山塗經玉泉諸山寺 張九齡

指塗躋楚望策馬傍荆岑稍稍松篁入泠泠澗谷深觀奇  
逐幽映歷幽集作險一作覽忘嶇一作嶇上界投佛影中天揚梵

音焚香懺在昔禮足誓來今靈具有時集作若有對聖僊真集  
其可尋高僧問逝者絕集作遠俗是初心薛駁集作剝經行處

猿啼宴坐林歸真已寂滅晋跡豈埋沉法施自茲廣何云  
千萬金

冬中至玉泉山寺屬窮陰冰閉崖谷無色集作景及

仲春行縣復往焉故有此作 前人

靈境信幽絕芳時重暄妍再來及茲勝一遇非無緣萬木  
柔可結千花敷欲然松間鳴好鳥竹集作林下流清泉石壁  
開精舍金光照法筵真空本自寂假有聊相宜復此灰心  
者仍追巢頂禪簡書雖有畏身世亦俱捐

登栖靈寺塔 蔣煥一作

三休尋磴道九折步雲霓灑澗臨江北郊原極海西沙平  
瓜步出樹遠綠楊低南指晴天外青峯是會稽

題瑩上人院 寇埴

捨筏求香偈因泉演妙音是明捐倍網何獨一作必在山林  
繚繞藤軒密逶迤竹徑深為傳同學志茲宇可清心

同皇甫兵曹天宮寺浴室新成招友人賞會

寇垣

溫室歡初就蘭交託勝因共聽無漏法兼濯有為塵水潔  
三空性香霑四大身清心多苦友頌德慰同人

奉和崔司馬遊雲門寺

遜逖

繫馬青溪樹禪門春氣濃香臺花下出講坐竹間逢覺路  
山童引經行谷鳥從更言窮寂滅迴策上南峯

和崔司馬登稱心山寺

前人

郡府乘休日王城訪道初覺花迎步履香草藉行車倚闥  
觀無際尋山盡太虛巖空工迷禹跡海靜望秦餘翡翠巢珠  
網鷓鴣間綺疎地靈資海土水若護真如寶樹誰攀折禪

雲自卷舒晴分五湖勢煙合九夷

集作疑居生滅分無象

臨已得魚嘗

集作嘗聞寶刀贈今日奉瓊琚

文苑英華卷第二百三十四

詩八十四

寺苑二 塔附

王維十首

孟浩然八首

杜甫八首

李白三首

祖詠一首

丁僊芝一首

高適二首

蔡希寂一首

綦毋潛七首

宋昱一首

常建一首

王昌齡四首

陶翰一首

劉昫虛一首

遊化感寺

王維

翡翠香煙合琉璃寶地平龍宮連棟宇虎穴傍簷楹谷靜

唯松響山深無鳥聲瓊峰當戶坼金澗透林明鄧路雲端

迴秦川雨外晴鴈集作鳳王銜果獻鹿女蹈集作踏花行料數

辭貧里歸依宿化城繞籬生野蕨空館發山櫻香飯青菘

一作米嘉蔬綠笋莖集作紫芋莖誓陪清梵末端坐學無生

過化感寺曇興上人山院 前人

暮持筇竹杖相待虎溪頭催客聞山響歸房逐水流野花

藂發好谷鳥一聲幽夜坐空林寂松風直似秋

過福禪師蘭若 前人

巖壑帶松集作轉微又作帶茅逕雲林隱法堂羽人飛奏樂天一作

女晚焚香竹外峰偏曙藤陰水雨又涼欲知禪坐久行路長

春芳

春日上方即事 前人

好讀高僧傳時看辟穀方鳩形將刻杖龜殼用支牀柳色

春山映梨花集作花夕鳥藏北窓桃李下閑坐但焚香

遊悟真寺 前人又玄集作王緝

聞道黃金地仍依集作開白玉田擲山移巨石呪嶺出飛泉

猛虎同三逕愁猿學四禪買香燃綠桂乞火蹋紅蓮集作青蓮

草色搖霞上松聲泛月邊山河窮百二世界滿三千梵宇

聊平覽集作憑視王城遂渺然霸陵纔出樹渭水欲連天遠縣

分朱郭孤城集作村起白煙望雲思聖主披霧憶羣賢薄宦

慙尸素終身擬尚玄誰言草庵客曾和栢梁篇

登辯覺寺 前人



竹逕連

集作從

初地蓮峯出化城窻中三楚靜

集作盡

林外集作

上九江平嫩

集作頓

草承跌坐長松響梵聲空居法雲外觀

世得無生

資聖寺送其二

前人

浮生信如寄薄宦夫何有來往本無歸別離方正

集作此

受

柳色諳春餘槐陰清夏首不學御溝上銜悲執盃酒

別弟縉後登青龍寺望藍田山

前人

陌上新別離蒼茫四郊晦登高不見君故人復雲外遠樹

蔽行人長天慙秋塞心悲宦遊子行處飛征蓋

藍田山石門精舍二首

前人

落日山水好漾舟信歸風翫寄集作新不覺遠因以緣源窮

逢愛雲木秀初言

集作疑

路不同誰

集作安

知情流轉偶與前

山通

集本二詩共為一首

二

捨舟理輕策果然愜所適老僧四五人逍遙蔭松栢朝梵

林未曙夜禪心

集作山

更寂道心及牧童世事聞樵客暝宿

長林下焚香卧瑤席澗芳襲人衣山月映石壁再尋畏迷

誤明發更登歷笑謝桃源人花紅復來覲

陪張丞相禮

集作詞

紫蓋山塗經玉泉諸寺

孟浩然

望秩宣王命齋心待漏行青襟列冑子從事有參卿五馬

尋歸路雙林指化城聞鍾鹿門近照膽玉泉清皂蓋依林

集作 憇緇徒擁錫迎天堂集作宮 上堯率沙界豁迷明欲就

終焉志雖謀計未成集作先聞智者名 人隨逝水一作波 沒山逐一作

欲覆船一作舟 傾想像若在眼周流空復情集本添此四句 謝公還

欲卧誰與濟蒼集作生

臘月八日於剡縣石城寺禮拜 前人

石壁開金像香山繞集作倚 鐵圍下生彌勒見迴向一心歸

松竹集作竹栢 禪庭古樓臺世界稀夕嵐增氣色餘照發光輝

講席邀談柄泉堂施浴衣願承功德水從此濯塵機

題容山主二字集作融公 蘭若 前人

精舍買金地集作開 流泉繞砌迴芰荷薰講席松栢繞集作映

香臺法雨晴飛集作霏 去天花晝下來一乘談未了集作談玄殊未

已 綠騎夕陽催

宿萊集作業 師山房期丁大集作公 不至 前人

夕陽度西嶺羣壑倏已暝松月生涼意一作夜涼 風泉滿清聽

樵人歸欲盡磴一作煙 鳥栖初定之子期未來孤宿集作琴 候

蘿徑

同王九題就師山房 前人

晚憇支公寺故人逢右軍軒窓避炎暑翰墨動新文竹開

窻裏日集作竹蔽 雨隨階下雲周遊集作旋 青陰遍吟卧夕

陽曛江靜榜集作棹 歌歇溪深樵語聞歸塗未忍去携手戀

清芬

陪姚使君題惠上人房 前人

帶雪梅初暖含煙柳尚青來窺童子偈得聽法王經會理  
知無我觀空厭有形迷心應覺悟客思不集作未違寧

雲門寺西六七里聞符公蘭若最幽與薛八同造

前人

謂余獨迷一作遊方逢子亦在野結交指松栢問法尋蘭若

小溪劣容舟恠石屢驚馬所居最幽絕所往集作住皆靜者

密篠夾路傍清泉流舍下集作雲簇興坐上人亦何問集作

閒塵念都集作俱已捨四禪合真如一切是虛假願承其

露潤喜得惠風灑依止此集作依山門誰願教集作誰立

也

疾愈過龍泉寺精舍呈易業二公 前人

驚午聞山鍾起行散集作送愁疾尋林採芝去轉谷集作谷

翠密傍見精舍開長廊飯僧非石梁集作梁流雪水金鳥集作

子又暉霜橘竹房思舊遊過憇終永日入洞窺石髓傍崖

採蜂蜜日暝辭遠公虎溪相送出

山寺

杜甫

野寺殘僧少山園細路高麝香眠石竹鶯鷓啄金桃亂石

通人過懸崖置屋牢上方重閣晚百里見纖毫

奉和裴十四廸新津山寺寄王侍郎即王蜀州 前人

何限倚山木吟詩秋葉黃蟬聲集古寺鳥影度寒塘風物

悲遊子登臨憶侍郎老夫探賞集作興日隨意宿僧房

題忠州龍興寺所居院壁

前人

忠州三峽內井邑聚雲根小市常爭道集作孤城早閉門  
空看過客淚莫覓主人恩淹泊仍愁虎深居賴獨園

宿贊公房

東京大雲寺主蒞在安置

前人

杖錫何來久集作秋風已颯然雨荒深院菊霜倒半池蓮

放逐寧虧集作性虛空不離禪相逢成夜宿隴月向人圓

上兜率寺

前人

兜率知名寺真如會法堂江山有巴蜀棟宇自齊梁庾信  
哀雖久何顛好不忘白牛車遠近且欲上慈航

秦州雜詩

前人

秦州城北寺勝跡隗囂宮苔蘚山門古丹青野殿空月明  
垂葉露雲逐度溪風清渭無情極愁時獨向東

法鏡寺

前人

身危適他州勉疆終勞苦神傷山行深愁破崖寺古嬋娟

碧蘚集作淨蕭槭寒籜聚回回石根水冉冉松上雨洩雲

蒙清晨初日翳復吐朱薨半光炯戶牖粲可數拄策忘前

期出蘿已亭午冥冥子規叫微逕不敢集作取

同諸公登慈恩寺塔

前人

高標跨蒼天一作烈風無時休自非曠士懷登茲翻百憂

方知象教力立集作可追冥搜仰穿龍地窟始驚集作枝

撐幽七星在北戶河漢聲西流羲和鞭白日少昊行青秋

泰山忽破碎涇渭不可求俯視但一氣焉能辨皇州迴首

叶虞舜蒼梧雲正愁惜哉瑤池宴集作日晏崑崙丘黃鵠

去不息哀鳴何所投君看隨陽鴈各有稻梁謀

秋夜宿龍門香山寺奉寄王方城十七丈國瑩上

人從弟幼成令問

李白

朝發汝海東暮棲龍門中水寒夕波急木落秋山空望極  
九霄迴賞幽萬壑通目浩沙上月心清松下風玉斗生網  
戶銀河耿花宮興在趣方逸歡餘情未終鳳駕憶王子虎  
溪懷遠公桂枝坐簫瑟棣華不復同流恨寄伊水盈盈焉  
可窮

流夜郎永華寺寄潯陽羣官

前人

朝別凌煙樓賢豪滿行舟暝投永華寺宿散予獨醉願借  
九江流添成萬一作行淚無意寄廬嶽何當來此地天命

有所懸安得苦愁思

廬山東林寺夜懷

前人

我尋青蓮宇獨往謝城闕霜清東林鍾水白虎溪月天香  
生虛空天樂鳴不歇宴坐寂不動大千入毫髮湛然冥貞  
心曠劫斷出沒

題遠公經臺

祖詠

蘭若無人到真僧出復稀苔侵行道席雲濕出禪衣一作  
溪鼠緣香案山蟬噪竹扉世間長不見寧止暫忘歸

和薦福寺英公新構禪堂

丁僊芝

上人久棄世中道自忘筌寂照出羣有了心清衆緣所成  
於此地築館開青蓮果藥羅砌下煙虹垂戶前呪中灑其

露指處流香泉神遠日無事體清宵不眠枳開廬山法松  
入漢陽禪一枕四山外虛舟常浩然

宿開善寺贈陳十六

高適

駕車出入境避暑投僧家徘徊龍象側如見香林花讀書  
不及經飲酒還勝茶知君悟此理所未披袈裟談空忘外  
物持誠破諸邪則是無心地相知集作唯月華

發廣陵栖靈寺塔

前人

淮南富登臨茲塔信竒最直上造雲族憑虛納天籟迥然  
碧海西獨立飛鳥外始知高興盡適與賞心會連山黯吳  
門喬木吞楚塞城池滿集作怒下物華集作歸掌內遠思駐江  
帆暮情結春靄軒車疑集作動造化資大塊何必了無身然

知所退

登福先寺上方然公禪室

蔡希寂

名都標佛刹萬構臨河干舉目上方峻森森青翠攢步登  
諸劫盡忽造浮雲端當暑敞扃闥一作扃却嫌締絡寒禪  
房最高頂靜者殊閑安踈雨向空城數峰簾外盤午鍾振  
衣坐招我同一食真味雜飴露衆香唯蒹蘭晚來恣偃俛  
茶果仍番歡

題鶴林寺

綦毋潛

道門

集作林

隱形勝向背臨層霄

集作行法橋

松覆山殿冷花藏

溪路遙珊瑚寶幡桂焰焰明燈燒遲日半空谷春風連上

潮少憑

集作適

水木與斲忝

集作漆又作冷

身心調願謝携手客茲

山禪誦饒

題栖霞寺

前人

南山勢迴合靈境依此住殿轉雲崖陰僧探石泉渡龍虵  
爭翕習神鬼皆密護萬壑奔道場羣峰向雙樹天花飛不  
著水月白成路今日觀我身歸心復何處

登天竺寺

前人

郡有化城最西窮疊嶂深松門當澗口石路在峰心幽見  
夕陽霽高逢暮雨陰佛身瞻紺髮寶地踐黃金雲向竹溪  
盡月從花洞臨因物成真悟遺世在茲

宿龍興寺

前人

香剎夜忘歸松青古殿扉燈明方丈室珠繫比丘衣白月

傳心淨

集作靜

青蓮喻法微天花落不盡處處鳥銜飛

題淨林寺

集作淨林寺

寺山頂禪院

前人

招提此山頂下界不相聞塔影挂清漢鍾聲扣

集作扣

白雲

觀空靜室掩行道衆香焚且駐西來

集作東

駕人天日未曛

題招隱恂

集作恂

公房

前人

開士度人久空山花霧深徒知宴坐處不見有為心蘭若

門對壑田家路隔林還言澄

集作澄

法性歸去比黃金

過上人蘭若

前人

山頭禪室挂僧衣窓外無人溪鳥飛黃昏半在山下路却

聽鍾

集此作松

聲連翠微

題石窟寺即魏孝文之所置

宋昱

梵宇開金地香龕鑿鐵圍影中羣象動空裏衆靈飛簾一作  
簷牖籠朱旭房廊鍊翠微瑞蓮生佛步寶步挂天衣邀福  
功雖在興王代久非誰知雲朔外更覩化胡歸

題破山寺後禪院

常建見文粹

清晨入古寺初日曜

一作明

高林竹逕通幽處禪房花木深

山光悅鳥性潭影空人心萬籟此都寂但餘鍾磬音

過香積寺

王昌齡

不知香積寺數里入雲峰古木無人徑空山何處鍾泉聲  
咽危石日色冷青松薄暮空潭曲安禪制毒龍

與蘇盧二員外期遊丈八寺而蘇不至因有此作

前人

其仰頭隨行能忘世諦情迴看雙樹闕相去一牛鳴法向  
空林說心隨寶地平手中花疊淨香帔稍畦成問道邀同  
舍相期宿化城安知不來往翻得似無生

洛陽尉劉晏與府縣諸公茶集天宮寺岸道人房

前人

良友呼我宿明月懸天宮道安風塵外灑掃青林中削去  
府縣理豁然神機空自從三湘還始得今夕同舊居太行  
北遠官滄海東各有四方事白雲處處通

香積寺禮萬廻平等二聖僧塔 前人

俱無御化來借有乘化歸如彼雙塔內孰能知是非愚也  
駭蒼生聖哉爲帝師當時特世出不由天地資萬廻主此



方平等性無違今我一禮心億劫同不移蕭蕭松栢下諸  
天來有時

宿天竺寺

陶翰

松栢亂巖石西山微徑通天關一峰見宮闕生虛空正殿  
倚霞一作峯壁千樓集作上方標石叢夜來猿鳥靜鍾梵響雲中  
峰翠映湖月泉聲亂溪風心超諸境外了與懸解同明發  
氣候改起視長崖東湖色濃蕩滢海光漸朦朧葛僊迹尚  
在許氏道猶崇獨往古今事幽懷期二公

登廬山峯頂寺

劉脊虛

孤峰臨萬象秋風氣何清高庭際南郡出林端西明一作庭際  
南郡出林端山門一緇叟振錫聞幽聲心照有為界業懸前

後空徒

一作雖

知

真機靜尚與愛網并方首金

門路未遑參

道情

文苑英華卷第二百三十四

文苑英華卷第二百三十五

詩八十五

寺院三

附塔

劉長卿十首

李頎二首

崔曙一首

張謂二首

岑參五首

包佶一首

李嘉祐四首

皇甫曾三首

皇甫冉三首

張繼一首

韓翃四首

褚朝陽一首

郎士元二首

顧况四首

耿緯三首

司空曙六首

冷朝陽二首

李益二首

李端四首

楊當一首

過隱空和尚故居

劉長卿

自從飛錫去人到沃州  
稀林下期何在山中春  
獨歸蹋花尋舊徑  
映竹掩空扉  
寥落東峰上  
猶堪靜者依

以下九篇並見集本

秋夜雨中諸公過靈光寺所居 前人

晤語青蓮合  
重關閉夕陰  
向人寒燭靜  
帶雨夜鍾深  
流水從他事  
孤雲任此心  
不能捐斗粟  
終日愧瑤琴

秋夜北山精舍觀體如師梵 前人

焚香奏仙唄  
向夕遍空山  
清切兼秋遠  
威儀對月閑  
靜分巖響答  
散逐海潮還  
幸得風吹去  
隨人到世間

自道林寺西入石路至麓山寺過法崇禪師故居 前人

山僧候谷口  
石路<sub>集作拂</sub>莓苔深入泉  
源去遙從樹杪迴

香隨青靄散  
鍾過白雲來  
野雪空齋掩  
嵐<sub>集作山</sub>風古殿開

桂寒知自發  
松老問誰栽  
惆悵湘江上  
何人更度盃

登思禪寺題上方 前人

西峰上方處  
臺榭隱朦朧<sub>集作上方幽且</sub>遠磬秋山裏  
青

<sub>集作清</sub>猿古木中  
衆溪連竹路  
諸嶺共松風  
儻許棲林下  
甘

成白首翁

宿北山於禪寺<sub>集作蘭若二字</sub> 前人

上方鳴夕磬  
林下一僧還  
密行傳人少  
禪心對虎閑  
青松臨古路  
白月滿寒山  
舊識窓前桂  
經霜更待攀

集梁耿開元寺所居院

前人

到君幽卧處為我掃莓苔花雨晴天集作無時落松風終日來

路經深竹過門向遠山開豈得長高枕中朝正用才

將赴嶺外畱題蕭寺遠公院寺即梁朝蕭內史創

前人

竹房遙閉上方幽苔蘚集作經蒼蒼訪昔游內史舊山空日

暮南朝古木向人秋天香月色同集作空僧室葉落猿啼訪

集作送又作傍客舟此去播遷明主意白雲何事苦集作欲相留

陪元侍御集作郎遊支硎山寺 前人

支公去已久寂寞龍華會古木閑空山蒼然暮相對林巒

非一狀水石有餘態密竹藏晦明群峰爭向背峰峰帶落

日步步入青霽香氣空翠中猿聲暮雲外留連南臺客想

像西方內因逐溪水還觀心兩無礙

登揚州栖集作西靈寺塔 前人

化塔凌虛空雄規壓川澤亭亭楚雲外千里看不隔遙對

黃金臺浮輝亂相射盤梯一作根接元氣半壁棲夜宅集作魄

稍登諸級盡若騁排霜集作霄翻向是滄波人已為青雲客

雨飛千拱鬢日在萬家夕鳥處高却低天涯遠如迫江流

入空翠海嶠現微碧向暮期下來誰堪復行役

無名上人東林烟居 李頎

草堂每多暇時謁山僧門所對但群木終朝無一言我心

愛流水此地臨清源含吐山上日蔽虧松一作雲外村孤峰

隔身世百衲老寒暄禪戶積朝雪花龕來暮依顧余守耕  
稼十載隱田園蘿蔕慰春波巖潭恣討論洩雲豈知限至  
道莫探元且願榕開籥於焉微尚存

宿香山寺石樓

前人

夜宿翠微半高樓聞暗泉漁舟帶遠火山磬發孤煙殿壯  
一作雲松外門清河漢邊峰巒低枕席世界接人天靄靄  
花出霧輝輝星映川東林曙鷺滿惆悵欲言旋

宿大和尚塔贈如上人兼呈常孫二山人 崔曙

支公已寂滅影塔山上古更有真僧來道場救諸苦一乘  
微妙法寓宿清淨土身心能自觀色相了無取森森松映  
月漠漠雲近戶嶺外飛雪明夜來前山雨燃燈見棲鶴作

禮聞信鼓曉霽南軒開秋華淨天宇願言出世塵謝爾申  
及甫

同諸公遊雲公禪寺

張謂

共許尋鷄足誰能惜馬蹄長空淨雲雨斜月半虹蜺簷下  
千峰轉窻前萬木低看山尋徑遠聽鳥入林迷地與喧卑  
隔人將物我齊不知樵客意何事武陵溪

長沙失火後戲題蓮花寺

前人

金園寶刹半長沙燒劫旁延一萬家樓殿物隨煙焰盡火  
中何處有蓮化

同崔三十侍御灌口夜宿報恩寺 岑參

聞君尋野寺夜一作宿支公房溪月冷深殿江雲擁迴廊

文苑英華 卷一百一十五  
燃燈松林淨煮茗柴門香勝事不可接相思幽興長

雪後與群公過報慈

集作

恩寺

前人

乘興忽相招僧房暮與朝雪融雙樹濕紗閉一燈繞竹林  
山低塔藤間院接集作橋歸家好欲懶倍慮向來銷

上嘉州青衣山中峯題惠淨上人幽居寄兵部楊

郎中

前人

青衣誰開鑿獨在水中央浮舟一躋攀側逕緣穹蒼絕頂  
詣高僧豁然登上方諸嶺一何小三江奔茫茫蘭若向西  
開峨嵋正相當猿鳥樂幽磬松蘿泛天香江雲入袈裟山  
月吐繩床早知清淨理久乃機心志尚以名宦拘聿來夷  
獠鄉吾友不可見鬱爲尚書郎早歲愛丹經畱心向青囊  
耿耿雲智遠幽幽海懷長勝賞難與俱引領遙相望爲政  
愧無術分憂幸時康君子滿天朝老夫憶滄浪况值廬山  
遠抽簪歸法王

登嘉州凌雲寺作

前人

寺出飛鳥外青峯戴朱樓搏壁躋半空喜得登上頭始知  
宇宙濶下看三江流天晴見峨嵋如向波上浮迴曠煙景  
豁陰森椶柎稠願割區中緣永從塵外遊迴風旋虎穴飛  
雨當龍湫僧房雲濛濛夏月寒颼颼迴合俯近郭寥落見  
遠舟勝槩無端倪天宮可淹留一官詎足道欲去令人愁  
終南雲際精舍尋法澄上人

前人

昨夜雲際宿適從西風迴不見林中僧微雨潭上來諸峯

皆晴翠秦嶺獨不開石鼓有時鳴秦王安在哉水深斷山  
口乳沫相喧豗噴壁四時雨傍村終日雷北瞻長安道日  
夕生塵埃若訪張仲蔚衡門映蒿萊

雙山逢信公所居

包佶

遙禮前朝塔微聞後夜鍾人間第四祖雲裏一雙峯積雪  
封苔逕多年亞石松傳心不傳法誰可繼高蹤

奉陪韋潤州游鶴林寺

李嘉祐

按文苑英華共有二詩並題作奉陪韋潤州游鶴林  
寺今觀李嘉祐集其一篇乃是潤州楊別駕宅送蔣  
侍御收兵歸揚州詩兼已收入第二百七十一卷送  
行門中英華誤抄于此姑存其目

奉陪韋潤州游鶴林寺

前人

野寺江城近雙旌五馬過禪心超忍辱梵語問多羅松竹  
閑僧老雲煙晚日多集作和寒塘歸路轉清磬隔微波

同皇甫侍御題薦福寺一公房

前人

虛室獨焚香林空靜磬長閑窺數竿竹老在一繩床啜茗  
翻真偈燃燈繼夕陽人歸遠相送步履出迴廊

題道虔上人竹房

前人

詩思禪心共竹閑任他流水向人間手持如意高窓裏斜

日江邊

集作沿江千萬山

奉和陪韋中丞使君游鶴林寺

皇甫曾

古寺傳燈久層城閉閣閑香花同法侶旌旆入深山寒磬

虛空裏孤雲起城間謝公憶高卧徒望集作欲東集作還志

贈吳門邕上人院

前人

春山臨集作一室獨坐草萋萋身寂心成道花開鳥自啼

細泉松逕裏返景竹林西晚與門人別依依出虎溪

此詩二百十九卷重出今已削去

題普門上人房

前人

支公身已老長在沃洲多慧力堪傳教禪功久伏魔雲山

隨坐夏江草伴頭陀借問迴一作心者賢愚去幾何

題昭上人房

皇甫冉

沃州傳教後百衲老空林慮盡朝昏磬禪隨坐卧心鶴飛

湖草迥門閉野雲深一作與天台接中峰早晚尋

招隱寺送闔判官還江州

前人

離別那逢秋氣悲東林更作上方期共知客路浮雲外暫

愛僧房墜葉時長江九派人歸少寒嶺千重鴈度遲借問

尋陽在何處每看潮落一相思

訓裴補闕吳寺見尋

前人

東林初結構已有晚鍾聲窓戶背流水房廊半架城遠山

重疊見芳草淺深生每與君携手多煩長老迎

安公房問法

張繼

流年一日復一日世事何時是了時試向東林問禪伯遣

將心地學琉璃

同中書劉舍人題青龍上房

韓翃



西掖歸來後東林靜者期遠峰春雪裏寒竹暮天時笑問  
集作金人偈閑聽寶月詩更憐茶興在一作藥興好出下方遲

題薦福寺衡岳煉師房

前人

春城乞食還高論此中閑僧曠階前樹禪心江上山踈簾  
看雪捲深戶映花關晚送門人出鍾聲杳靄間又玄集作

題僧房

前人

披衣聞客至關鎖此時開鳴磬夕陽盡捲簾秋氣集作來  
名香連竹逕清梵出花臺身在心無住他方到幾迴

題青龍寺澹然師房

前人

雙林彼上人詩興轉相親竹裏經聲晚門前山色春卷簾  
苔點淨下筋藥苗新記取無生理歸來問此身

題少室山寺

褚朝陽

飛閣青霞裏先秋獨早涼天花映窓近月桂拂簷香華岳  
三峰少黃河一帶長空間指歸路煙際有垂楊

酬王孝友秋夜宿露臺寺見寄

郎士元

石林精舍虎溪中夜扣禪扉憶遠公月在上方諸品靜心  
持半法一作偈萬緣空蒼苔古道行應徧落木寒泉聽不窮  
更憶雙峰最高頂此心期與故人同

拍林寺南望

前人

溪上遙聞精舍鍾泊舟微徑渡深松青山霽夜雲猶在盡  
出西南四五峰

鄱陽大雲寺一公房

顧况

盡日陪游處斜暉竹院清定中觀有漏言下證無生色界  
聊傳法空門不用情欲知相去近鍾鼓兩聞聲

題歙山棲霞寺

前人

明徵君舊宅陳後主題詩跡在人亡處山空月滿時寶鏤  
無破響道樹有低枝已是傷離客仍逢靳尚祠

經廢寺

前人

不知何世界有處似南朝石路無人掃松門被火燒斷幡  
猶挂剎故板尚堵橋數卷殘經在多年字欲銷

獨游青龍寺

前人

春風入香剎暇日獨游行曠然蓮花臺作禮月光面乘茲  
第八識出彼超二見擺落區中緣無邊廣弘願長廊朝雨

畢古木時禽轉積翠暖遙原雜集作離英紛似霰鳳城騰

窈龍首橫天堰蟻步避危階蠅飛響深殿大通智勝佛幾

劫道場現

題莊上人房

已見二百二十二卷

耿緯

廢慶寶寺

前人

黃葉前朝寺無僧寒一作殿開池晴龜出暴松暝鶴飛廻

古井碑橫草陰廊畫雜苔禪宮亦銷歇塵世轉堪哀

雨中宿義興寺

前人

遙夜宿東林蟲聲階草深高風初落葉多雨未歸心家國  
身猶負星霜鬢已侵滄洲縱不去何處有知音

早春遊報

集作慈

恩寺南池

司空曙

山集作出寺臨池水春愁望遠生踏橋逢鶴起尋竹值泉橫

新柳絲猶短柔集作輕蘋葉未成還如虎溪上日暮伴僧行

送曹三原猗遊山寺 前人

山踏青蕪盡涼秋古寺深何時得蓮葉此夜更聞琴窮水

雲同穴過僧虎共林慙慙如念我遺爾挂冠心

宿青龍寺故曇上人院 前人

年深宮院在舊客自相逢閉戶臨寒竹無人有夜鍾降龍

今已去巢鶴竟何從坐見繁星曉淒涼識舊峰

秋喜盧綸同宿寺已見二百十七卷 前人

題靈雲寺 前人

春山古寺遶滄波石磴盤空直迥道過百丈金身開翠殿萬

龕燈焰隔煙蘿雲生客到侵衣濕花落僧禪覆地多不與

芳袍同結社下歸塵世竟如何 前人

題棟上人院 前人

閉門不出自焚香擁褐看山歲月長雨後綠苔生石井秋

來黃葉徧繩床身閑何處無真性年老曾來集作言隱故鄉

更說本師同學在幾時携手向集作見衡陽

同張深秀才遊華嚴寺 冷朝陽

同遊雲外寺渡水入禪關立掃窓前石坐看池上山有僧

飛錫到留客話松間不是緣名利好來長伴閑

宿栢巖寺 前人

幽寺在巖中行唯一逕通客吟孤嶠月蟬噪數枝風秋色

生苔砌泉聲入梵宮吾師修道處不與世間同

入南山至金師蘭若

李益

木落水歸壑寂然無始心南行有真子被褐息山陰石路  
瑤草散松門寒景深吾師亦何受自起定中吟

與王楚同登青龍寺上方

前人

連岡出古寺流睇移芳讌鳥沒漢諸陵草平秦故殿搖光  
淺深樹拂木參差鷲春心斷易迷遠目傷難徧壯日各輕  
年暮年方自見

同皇甫侍御題惟一上人房

李端

焚香居一室盡日見空林得道歸集作輕年暮安禪愛夜深  
東西皆是夢存歿豈關心唯羨人諸童子通集作持經在竹陰

同裴員外宿薦福寺僧舍

前人

潘安秋興動涼夜宿僧房倚杖雲離月垂簾竹有霜暗集作  
迴風生遠逕墜集作墮葉颯長廊一與交親會空貽別後傷

宿深上人院集作房聽遠泉

前人

泉聲宜遠聽入夜對支公斷絕來方盡潺湲咽又通何年  
出石下幾里在山中君集作若問窮源處禪門集作心與此同

題雲際寺準公房

前人

高僧居處似天台錫杖銅餅對綠苔竹巷雨晴新鳥囀山  
房日午老人來園中鹿過椒枝動潭底龍游水沫開獨夜  
燃香禮遺像空林月沒始應迴

宿報恩寺精舍

暢當

鍾梵送沉景星多露漸光風中蘭靡靡月下樹蒼蒼夜殿  
若山橫深松如澗涼羸然虎溪子遲我一虛床杳杳空寂  
舍濛濛蓮桂香擁榻依西壁紗燈靄中央

文苑英華卷第二百三十五

詩八十六

文苑英華卷第二百三十六

寺院四

附塔

盧綸八首

韋應物七首

嚴維三首

戴叔倫二首

崔峒六首

權德輿二首

戎昱一首

李涉二首

張暈一首

李正封二首

羅炯一首

朱放二首

徐嶷一首

房融一首

劉三復一首

于鵠三首

陳潤一首

朱長文一首

釋靈一八首

釋皎然十首

王建二首

春日陪李庶子遵善寺東院曉望 盧綸

映竹水橫田集作分當山起鴈群陽峯高對寺陰井下通雲

雪盡集作唯逢鶴花時此見君由來禪誦地多有諸公文

宿澄集作上人院 前人

竹窓聞遠水月出似溪中香覆經年火幡飄後夜風性昏

知道晚學淺喜一作言同一悟歸身處何山路不通

同崔峒慈恩寺避暑 前人

寺涼高樹合卧石綠雲中伴鶴慙仙侶依僧學老翁魚沉

荷葉露鳥散竹林風始悟塵居者應將大宅同

題雲際寺上方 前人

松高蘿蔓輕中有石床平下界水長急上方燈自明空門

不易塔初地本無程迴步忽山盡萬緣從此生

寶泉寺送李益端公歸邠寧幕 前人

參差巖嶂東雲日晃龍宮石淨非因雨松涼不為風戀泉

將鶴並偷果與猿同眼界塵雖染心源蔽一作已通蓮花

國何限貝葉字無窮早晚登麟閣茲門欲付公

登西集作巖寺 前人

林香雨氣新山寺綠無塵遂結雲外侶集作共遊天上春

鶴鳴金閣麗僧話集作竹房隣待月水流急惜花風起頻

何方非壞境此地有歸人迴首空門外皤然一幻身

宿定陵寺寺在陵內

前人

古塔荒臺出禁牆磬聲初盡漏聲長雲生紫殿幡花濕月

照青山松栢香禪室夜聞風過竹一作莫莫庭朝塔露霑裳

誰悟威靈同寂滅更堪砧杵發昭陽

夜投豐德寺謁海集作液上人 前人

半夜中峯有磬聲偶尋樵者問山名上方月晚集作日曉聞僧

話一作語下路林疎見客行野鶴巢邊松最老毒龍潛處水

偏清願得遠公知姓字焚香洗鉢過浮生

遊開元精舍 韋應物

夏衣始輕體遠集作遊步愛僧居果園新雨後香臺照日初

綠陰生晝寂孤花表春餘符竹方為累形跡一來疎

寓居永定精舍 前人

政拙忻罷守閑居初理生家貧何由往夢想在京城野寺

霜露月晨興羈旅情聊租二頃田方課子弟耕眼暗文字

廢身閑道心清集作精即與人群遠豈為集作謂是非嬰

與盧陟同遊永定寺北池僧舍集作齋 前人

竹逕集作密竹行已遠子規啼更深綠池芳草氣寒齋春樹陰

暗絲集作晴蝶飄蘭徑游蜂繞花心不遇君携手誰復此幽尋

荅河南李士巽題香山寺 前人

洛都游宦日少年携手行投杯起芳席物惣轡振華纓開塞

有佳氣巖開伊水清攀林憇佛寺登高望都城蹉跎二十

載世務各所營茲賞長一作常在夢故人安得并前歲守九

江恩召赴咸京因塗再登歷山河屬晴明寂寞僧侶少蒼  
茫林木成牆宇或崩剝不見舊題名舊遊沉沉沒獨此決  
交橫交橫誰與同書壁貽友生今茲守吳郡綿思方未平  
予復經陳跡一感我深情遠蒙惻愴篇中有金玉聲反覆  
終難答金玉尚為輕

藍田集作嶺精舍

前人

石壁精舍高排雲聊直上佳游愜始願忘險得前賞崖傾  
景方晦谷轉川如掌綠林含蕭條飛閣起弘敞道人上方  
至深夜還獨往月落群山陰天秋百泉一作響所嗟累已  
成安得長偃仰

澄秀上座院

前人

繞西南隅鳥聲轉幽靜秀公今不在獨禮高僧影林下  
器未收何人適煮茗

行寬禪師院

前人

北望極長廊斜扉掩叢竹亭午一來尋院幽僧亦獨唯聞  
山鳥啼愛此林下宿

奉和獨孤中丞游雲門寺作

嚴維

絕壑開花界耶溪極上源光輝三獨一作石座登陟五雲門

深木鳴騶馭晴山曜武賁亂泉親坐卧踈磬發朝昏蒼翠  
新秋色莓苔積雨痕上方看度鳥後夜聽吟猿異跡焚香

對新詩酌茗論歸來還捨俗諸老莫攀轅

奉和皇甫大夫夏日遊花巖寺

時大夫昆季同行

前人



初地花巖會王家少長行到宮龍節駐禮塔鴈成行蓮界  
千峯靜梅天一雨清禪庭未可戀聖主寄蒼生

宿法華寺

前人

一夕雨沉沉哀猿萬木陰天龍來護法長老密看心魚梵  
空山靜紗燈古殿深無生久已學白髮浪相侵

遊清溪蘭若

兼隱者  
舊居

戴叔倫

西看疊嶂幾千重秀色孤標此一峯丹竈久閑荒宿草碧  
潭深處有潜龍靈仙已去空巖室一作到客唯聞古寺鍾

遠對白雲幽隱在年年一作不離舊杉松

題武當逸禪師蘭若

前人

我生本似遠行客況是亂時多病身經山涉水向何處羞

見竹林禪定人

宿禪智寺上方演大師院

崔峒

石床一作高幾許金刹在中峯白日空山梵清一作霜後

夜鍾竹窻迴翠壁苔徑入寒松幸接無生法疑心怯所從

題空山人石室

前人

早晚悟無生頭陀不到城雲山知夏臘猿鳥見修行地僻  
無溪路人尋逐水聲年年深谷裏誰識遠公名

登蔣山開善寺

前人

山殿秋雲裏香煙出翠微客尋朝磬食一作僧背夕陽歸

下界千門見前朝萬事非看心兼送目葭菼暮依依

題崇福寺禪院

前人

文苑英華 卷一百一十五  
僧家更無事掃地與焚香清磬度山翠閑雲來竹房身心  
塵外遠歲月坐中長向晚禪室閉無人空夕陽

題蘭若

前人

絕頂茅菴老此生寒雲孤木獨經行世人那得知幽逕遙  
向青峯禮磬聲

秋夜

前篇作晚

招隱寺東峯茶宴送內弟

前人

前篇作李嘉祐

與沈十九拾遺同游栖霞寺上方夜於亮上人院

會宿二首

權德輿

躡山標勝絕暇日諧想矚縈紆松路深繚繞雲巖曲重樓  
迴樹杪古像鑿山腹人遠水木清池集作地深蘭桂馥層臺

聳金碧絕頂摩淨綠下界誠可悲南朝紛在目焚香入古

殿待月出深竹稍覺天籟清自傷人世促宗雷此相遇偃

放隨

集作從

所欲清論月輪

集作松枝

低閑吟茗花熟一生如土

梗萬慮相桎梏未願事潛師窮年此棲宿

二

偶來人境外心賞幸隨君古殿煙霞夕深山松桂薰巖花

點寒溜石磴掃春雲清淨諸天近誼塵下界分名僧康寶

一作保

月上客沈休文共宿東林夜清猿徹曙聞

題招提寺

戎昱

招提精舍好石壁向江開山影水中盡松聲天上來一燈

傳歲月深殿

一作院

長莓苔日暮雙林磬冷冷送客迴

題鶴林寺上方

李涉

終日昏昏醉夢間，忽聞春盡強登山。  
因過竹院一作寺逢僧話，又得浮生半日閑。

重過文上人院

前人

南隨越鳥北燕鴻，松月三年別遠公。  
無限心中不平事，一宵清話又成空。

題栖霞寺

張暈

躋險入幽林，翠微含竹殿。  
泉聲無休歇，山色時隱見。  
潮來雜風雨，梅落成霜霰。  
一從方外游，頓覺塵心變。

夏遊招隱寺暴雨晚晴

李正封

竹栢清風過一作風雨蕭蕭，  
踈臺殿涼。石渠馮奔溜，  
金刹照頽陽。

鶴飛巖煙碧，鹿鳴澗草香。  
山僧宿隱

本作引

清梵幡蓋遶迴廊

禪門寺暮鍾

前人

簌簌高懸于闐鍾，黃昏發地訖。  
龍宮游人憶到嵩，山夜疊閣連樓滿太空。

行縣至浮查寺

羅炯

三十年前此布衣，鹿鳴西上虎符歸。  
行時賓從光前事，到處松杉長舊圍。  
野老競遮官道拜，沙鷗遙避隼旗飛。  
春風一宿琉璃地，自有泉聲愜素機。

遊石澗寺

朱放

聞道幽深石澗寺，不逢流水亦難知。  
莫道山僧無伴侶，一作長在古松枝。

題竹集作鶴林寺

朱放

歲月人間促煙霞此地多殷勤竹林寺能集作更得幾迴過

宿泐上人房

徐嶷

浮生不定若蓬飄林下真僧偶見招覺後始知身是夢更

聞寒雨滴芭蕉

遊始興廣勝寺果上人房

房融

零落嗟殘命蕭條託勝因方燒三界火遽洗六情塵隔嶺

天花發凌空月殿新誰令故鄉思一作誰憐鄉國思從此學分身

寺居清晨

劉三復

高枕對曉月衣巾清且涼露華朝未晞滴瀝含靈類作虛光

隔竹聞汲井開扉見焚香幽心感衰病結念依法王青冥

早雲飛杳眇空鳥翔此情皆有釋悠然知所忘

題栢臺寺已百二卷

于鵠

題宇文裔山寺讀書院

前人

讀書林下寺不出動經年書閣通集作草閣連僧院山厨共石

泉雪集作雲庭無履跡龕壁有燈煙年少今頭白刪詩到幾

篇

溫泉僧房

前人

雲裏前朝寺修行獨幾年山村無施食盥漱亦安禪古塔

巢溪鳥深房閉谷泉自言僧入室知處梵王天

登西靈塔

陳潤

塔廟出招提登臨碧海西不知人意遠漸覺鳥飛低稍與

雲霞近如將日月齊遷喬未得意徒欲躡雲梯

題虎丘山西寺

朱長文一作朱長雲

王氏家山昔在茲陸機為賦陸雲詩青蓮香匝東西宇日

月與僧無盡時

靜林精舍

梁武帝隱所已見一百六十六卷

釋靈一

自大林與韓明府歸郭中精舍作 前人

野客同舟楫相携復一歸孤雲

集作孤煙

生暮景遠岫帶春暉

不道還山是誰云向郭非禪門有通隱喧寂共忘機

酬皇甫冉將赴無錫於雲門寺贈別 前人

湖南通古寺來徃意無涯欲適雲門路千峯到若耶春山

子敬宅古木謝敷家自可長階隱那言集作堪相去賒

此詩二百四十四卷重出今已削去注異同為一作

再還宜豐寺

前人

再尋招隱地重會宿心期樵客問歸日山僧記別時野雲

陰遠甸秋水漲前池勿謂探形勝吾今不好奇

題東蘭若

前人

上人禪室路徘徊萬木清陰向日開寒竹影侵行逕石秋

風煙入誦經臺閑雲不繫從舒卷狎鳥無機任徃來更惜

片陽談妙理歸時莫待暝鍾催

將出宜豐寺留題山房

前人

池上蓮荷不自開山中流水偶然來若言聚散定由我未

是回時那得回

題王僧院

前人

虎溪閑月引相過帶雪松枝挂薜蘿無限青山行欲盡白雲深處老僧多

宿靜林寺

前人

山寺門前多古松谿行欲到已聞鐘中宵引領尋高頂月照雲峯凡幾重

宿吳匡山破寺

釋皎然

雙峯百戰後真界滿塵埃蔓草緣空壁悲風起故臺野花寒更發山月暝還來何事池中水東流獨不回

高僧詩載皎然詠廢寺云武原遺跡在真界積塵埃殘月生秋水悲風吹故臺居人今已盡栖鷓鴣暝還來不到心無生理應堪賦七哀與前詩畧同今附于此

寒食日集報德寺解公房

一作寒食日同陸處士行報德寺宿

前人

欲問章陵寺

一作古寺章陵下

支

一作潛

公住幾年亂山春靄裏微

逕古松邊

一作安心生軟草灌頂引春泉

寂寂傳燈地寥寥禁火天世人

一作問

多暗室白日為誰圓

一作懸

一作皆歲時雜詠

奉和盧使君幼平游朝陽山寺臨太湖

時在郭不得往

前人

仁祠當絕境明牧躡靈蹤欲到心涼地初聞斷續鐘城中歸路在湖上碧山重水照千花界雲開七葉峰寒芳艾綬滿空翠白綸濃逸韻知難繼佳游恨不逢仍聞撫禪石為我又從容

秋日遙和盧使君游柯山寺宿歇上人上方論涅槃經大義

前入

江郡當秋景期將道者同跡高連一作竹寺夜靜賞蓮宮

古磬清霜下寒山曉月中詩情緣境發法性寄筌空翻譯

推南本何人繼謝公

遙和塵外上人與陸澧夜集山寺問湟槃義兼賞

陸生文卷

上人自號北山子

前入

共是竹林賢孫綽僧史以七人配心從貝葉傳說經看月

過一作開卷愛珠連清淨一作遙城外蕭疎一作古塔前應隨

北山子高頂枕雲眠

題報德寺清幽上人西峰寺即陳文帝故鄉

前入

陳世凋亡後仁祠識舊山帝鄉喬木在空見白雲還雙塔

寒林外三陵暮雨間此中雖戰勝君獨啟禪關

奉同顏使君真卿開元寺經藏院觀樹文殊碑

前入

萬國布殊私千年降祖師鴈門傳法至龍藏立言時故實

刊周典新聲播魯詩六銖那更拂劫石盡無期

奉同盧使君幼平游精舍寺

前入

影剎西方在虛空翠色分人天霽後見猿鳥定中間真界

隱清瑩春山凌白雲今朝石門會千古仰斯文

奉陪陸使君張源裴端公樞春遊虎丘寺 前入

雲水夾雙刹，遙疑滿平陂。入門見藏山，元化何由窺。曳組探詭恠，停驂訪幽竒。情高氣為爽，德暖春亦隨。瑤草自的皪，蕙樓爭蔽虧。金精發壞陵，劍彩沉靈池。一覽匝天界，中峰步未移。應喜生公石，列坐援松枝。

秋晚宿破城山一作寺

前人

秋風落葉滿空山，古殿殘燈石壁間。昔日經行人去盡，寒雲夜夜自飛還。

題石甕寺

王建

青崖古寺集作白石夾城東，泉脉鍾聲內裏通。地壓神龍集作龍蛇山色別，屋連宮殿匠名同。簷燈經夏紗籠黑，溪葉先秋臘樹紅。天子親題詩摠在，書扉長鎖壁龕中。

題台州隱靜寺

前人

隱靜靈仙山一作寺天鑿，盃度飛來建巖。登五峰，直上插銀河。一澗當空瀉，寥廓崆峒黯淡碧琉璃。一作琉璃殿白雲吞吐紅蓮閣，不知勢壓天畿重。鍾聲常聞一作在月中落。

文苑英華 卷一百一十六



文苑英華

卷一百三十六

文苑英華卷第一百三十六



